

obeikandi.com

المرعبين في عمارة رشدي

الكتاب: المرعبين في عمارة رشدي
المؤلف: نورمانجا- محمود الجعيدي
تصميم الغلاف: محمد مجدي
تدقيق لغوي: أحمد أسامة
رقم الإيداع: 2016/27230
الترقيم الدولي: 978-977-778-102-2

20 عمارات منتصر – الهرم - الجيزة
ت: 02 35860372
Noon_publishing@yahoo.com
جميع حقوق الطبع والتوزيع محفوظة للناسر

للنشر
والتوزيع

المرعبين في عمارة رشدي

رواية

نور مانجا- محمود الجعيدي

للنشر
والتوزيع



obeikandi.com

مقدمة

تحركت أقدام واثقة داخل أروقة قسم شرطة الإسكندرية، في حين راح صاحبيها يبادل التحية العسكرية لكل من في طريقه..

أمام مكتب ضابط المباحث توقفت الأقدام، وهرع عسكري منكمش على نفسه، فتح الباب باحترام شديد، ثم هرع مسرعًا وعاد بعد دقائق كان خلالها القادم قد اتخذ مجلسه وراء المكتب .. وضع العسكري صينية صغيرة تلمع من فرط نظافتها ويتصاعد دخان أبيض خفيف من فنجان ذهبي وضع فوقها:

- قهوة سعادتك يا باشا

أشار له الباشا ضابط المباحث بالانصراف ثم رشف رشفة صغيرة صعدت مباشرة إلى تاليب عقله..

كان يدعى رفاعي .. رفاعي الدسوقي وشهرته بين أقرانه (الأسطورة) .. كان سر شهرته هو أنه استطاع أن يقضي على عصام (النمر) .. عصام هو نمرسيبيري موجود في السيرك القومي ويقوم مع مدربه بتقديم فقرات استعراضية جميلة .. ثم ذات يوم هرب من السيرك مسببًا كَمًّا هائلًا من الدعر .. وبعد مطاردات استطاع الأسطورة أن يقتله .. في الحقيقة كان الأسطورة يقود سيارته وبالصدفة البحتة صدم عصام .. مات عصام وألقيت جثته في أقرب بلاعة صرف، وتم ترقية الأسطورة.

بعد أن انتهى الأسطورة من شرب القهوة والشاي والكابتشينو، جاء العسكري وهو يجر أمامه شايبين في أواسط العمر:

- أمين الشرطة (حاتم) قبض على المشتبهين دول يا باشا واكتشف إن معهمش

بطايق

بصق الأسطورة على الارض ثم دهس بصقته بحدائه:

- فين الأمين حاتم دلوقتي

- راح يتفرج على فيلم (هى فوضى) يا باشا، وبيقول لسيادتك هيقابلك بالليل

حين ميسرة

التفت الأسطورة إلى الشاب الأول .. كان وسيم إلى حَيِّ ما، ويرتدي ملابس

رخيصة، بينما ملامحه تحمل حزن الدنيا كلها .. سأله:

- إسمك إيه

أجاب الشاب وهو يتنحنح:

- مالك

- مالي في جيبى يا اخويا .. بقولك إسمك إيه

- لم أكن أناديك .. ولم أكن أسألك

- أه .. قول كدا .. إنت بقى من العيال المبرشمين إياهم

ثم التفت الأسطورة إلى العسكري واستطرد:

- بص .. عاوزك تاخذ الواد ده .. تقلعه بلبوص وتحلق شعره وبعدين تضربه علقه

موت

صاح الشاب بذعر:

- يا باشا .. أنا مالك .. بره الدنيا

نظر له الأسطورة وفكر للحظات ثم التفت مره أخرى للعسكري:

- واخلعوا ضوافره ودخلوا عليه (فرج) بتاع فيلم الكرنك

سحب العسكري الشاب الذي راح يتوسل:

- يا باشا .. يا باشا .. حرام عليك .. أنا أبويا ميت وأمي في الجيش وبحب واحدة

عندها تخلف عقلي

- حاسس إن عندك احتياج

قالها الأسطورة ثم التفت إلى الشاب الثاني .. كان كئيب الملامح له ذقن نابتة ويشبهه إلى حد كبير (كريم عبد العزيز) .. سأله:

- وإنت مين إنت كمان

- يحيى

- ومالك كدا مربي دقنك وشكلك مش طبيعي

- بعد خمس سنوات من العزلة الاختيارية أعود للحياة الطبيعية

- ها

- أسف يا باشا .. أصل بقالي خمس سنين قاعد في البيت وما بخرجش

- صايع يعني

- تقدر تقول كدا

- طيب وخرجت ليه .. كنت خليك معزول أحسن

- كنت بشتري الفيل الأزرق

- أه .. قول كدا .. كنت رايع تجيب حباية dmt

- لأ يا باشا ده فيل أزرق بحق وحقيقي بتاع مهراجا هندي

- امممم .. فيل أزرق ومهراجا هندي .. طيب والمهراجا أزرق برضه

- لأ سيادتك هو بني عادي

تفرس الأسطورة في ملامح يحيى قليلاً .. أخرج علبة سجائر أمريكية الصنع، ونقرها برقة على سطح المكتب ثلاث مرات، قبل أن يزيل عنها السلوفان مهدوء ثم ورقة الألمونيوم .. أشعل سيجارة ثم نفث دخانها في الفراغ المقابل له حين صاح محدثاً العسكري:

- ودي ابن المجنونه ده لـ ٨ غرب

قال العسكري وهو يجريحي من قفاه:

- والفيل اللي كان معاه، نعمل فيه إيه سعادتك

- وديه للجزار اللي ورا القسم وخليه يعمل الزلومة طاجن بالبامية

قالها الأسطورة وعاد يسترخي في مقعدة لاعتنا كل البشر.. وبعد مضي ثلاث ساعات وبعد أن انتهى من تناول طاجن زلومة الفيل، دخل عليه العسكري مذعورًا:

- إلحق يا باشا.. عمارة (رشدي) اختفت من مكانها

اتسعت عيننا الأسطورة.. خبر غير قابل للتصديق.. لكن منذ متى وعمارة رشدي تخضع للمنطق.. آخر ما يعلمه أن مجموعة من كتاب الرعب والقراء كانوا في رحلة ترفيحية للعمارة، فهل تكون تلك الرحلة هي السبب.. هل؟

قبل ذلك ببضعة أيام ..

أنا لا أؤمن بالجن .. لا أصدق في أمور الدجل والشعوذة .. ولا أحب كُتَّاب قصص الرعب ..

من أنا .. أنا (نادر جودة) .. الصحفي بجريدة (عمق الأحداث) .. صحفي تحت التدريب إذا شئنا الدقة .. لدي أمنية أنني يومًا ما سوف أكتب تحقيق صحفي أصير بعده نجمًا ساطعًا في عالم صاحبة الجلالة.

خلال فترة تدريبي بالجريدة لاحظت انتشار كتب الرعب بين الشباب .. جذبني هذا الموضوع وقررت القيام بلقاءات مع أشهر كتاب هذا اللون من الأدب.

وبالفعل توطدت صلتي بهم وصرت قريبًا منهم إلى حَدِّ كبير .. كانوا رائعين لكن حمقى على نحوٍ أكثر روعة.

ساعدتهم في تكوين جروب علي شبكة التواصل الاجتماعي للرد علي المعجبين وتبادل الآراء .. وللأمانة كان كل شيء يسير على وتيرة واحدة .. وتيرة أن الأمر سينتهي بهم في مصحة للأمراض العقلية.

بمرور الوقت زاد أعضاء الجروب وصار واحد من أشهر الجروبات الأدبية مما جعلني أقترح عليهم أن نحول الجروب إلى دار نشر ونطلق عليها اسم (عصير الورق) .. للأسف قوبل اقتراحي بالرفض التام .. اللعنة كنت ساصنع سبوبة محترمة.

في تلك الأثناء قام الكاتب (عمرو المنوفي) بنشر موضوع حول عمارة في الإسكندرية وما يدور حولها من حكايات غريبة ومرعبة تقترب من درجة الخيال .. كان يطلق على تلك العمارة (عمارة رشدي المسكونة)^(١)

كان الموضوع مثير ونال اهتمام كل القراء .. ساعة واحدة وكان هو محور الحديث بين أعضاء الجروب .. منهم الذي يصدق ومنهم الذي اعتبر أن هذا الموضوع هو محض هراء وخيال مؤلف.

ثم ظهرت سمر .. (سمر الباز) .. في الحقيقة لا أعلم من هي سمر لكنها بدت لي للوهلة الأولى قاتلة ماجورة .. حين سألت عنها أخبروني أنها تعمل مدرسة وصديقة مقربة لمعظم كتاب الرعب في الجروب ولها شعبية كبيرة بين الأعضاء.

اقترحت سمر تنظيم رحلة إلى تلك البناية العجيبة...

وكان أن لاقى اقتراحها ترحيبًا من الجميع، وخاصة مني أنا شخصيًا .. كانت بالنسبة لي فرصة لكي أتخلص من خوفي المرضي من الظلام والأشباح وارتفاع سعر الدولار، بالإضافة إلى أن هناك احتمال أن تبدأ سمر في ارتكاب جرائم قتل وبالتالي سأكون صاحب السبق الصحفي.

ثم وبسرعة البرق أو بسرعة الضوء (في الحقيقة لا أعلم الفرق بينهما)، قامت سمر بنشر إعلان على الجروب لتنظيم رحلة إلى العمارة المسكونة .. بعدها سبقت الإعلان بجملة حماسية (إلى هواة الإثارة والرعب)...

الآن صرت متأكدًا أن كل الحمقى والسفاحين سوف يأتون.

(١) عمارة رشدي المسكونة: هي عمارة تقع في شارع رشدي بالإسكندرية، مهجورة من ستينيات القرن المنصرم، لا يجرؤ أحد على اقتحامها وكل من سولت له نفسه السكن فيها انتهى به الأمر نهاية مأساوية .. وهناك قصص كثيرة يرويها الناس، بعضها يتحدث عن شاب قام بإلقاء نفسه من الدور الأخير بلا سبب معلوم، وكان صراخه المرعب الذي شق سكون الليل هو آخر ما تركه .. وهناك أيضًا قصة ذلك العريس الذي شاهد الدماء تسيل من جدران الغرفة ثم طارده قط أسود ضخمة.

كان الاستعداد للرحلة يجري على قدمٍ وساق .. ولكن وعلى خلاف الجميع وفي منزل عمرو المنوفي وبينما كنت أجلس أراقبه وهو يذرع الغرفة ذهابًا وإيابًا .. التفت نحوي فجأة:

- كرر كدا اللي قولته يا أبو الكباتن

- خدامك نادر

ثم أخبرته أن جميع أعضاء الجروب أرسلوني إليه ليطلبونه بأن يكون مرشدهم في الرحلة.

حاول أن يعتذر بأدبٍ جَمّ لكني أخبرته أن مسألة اعتذاره ستهزم من صورته أمام قراءه .. حاول أن يعطيني ٢٠ جنية لكني أخبرته أنها ستهزم من صورته أمامي .. فليجعلها ١٠٠ أفضل.

ظل يفكر ثم أخذ مني ال ٢٠ جنيه مرة أخرى ووافق على الرحلة.

اقترحت عليه أن يستعين بصديقة محمد عصمت .. أعجبته فكرتي .. أعتقد أنه وجدها فرصة لكي يجد من يساعده.

شكرني على فكرتي ثم أمسك هاتفه الجوال وأجرى اتصالاً سريعاً مع عصمت وطلب منه أن ياتي إليه للأهمية.

أغلق هاتفه وجلس ينتظر عصمت في توتر .. طلبت منه أن يعطيني ال ٢٠ جنيه لكنه رفض.

مرت نصف ساعة كاملة ثقيلة لم يتوقف خلالها هاتفه عن الرنين .. كان المتصل سمر .. وكان هولاء يرغب في الحديث معها ريثما يأتي عصمت

وأخيرًا دق الباب فتوجه المنوفي للباب في عصبية شديدة وما أن فتح حتى رأى عصمت يقف مبتسمًا وهو يحمل كيس برتقال:

- في إيه يا عمرو قلققتني؟

- إنت مين يا أبو الكياتن

- خدامك نادر

ثم قمت بتقشير برتقالة ثانية قبل أن يخطف مني الكيس ويضعه بعيداً عني..

رحت أراقبهم في صمت .. أشعل المنوفي سيجارته العاشرة مخاطباً عصمت الذي

لم يَكْفَ عن الدوران في الغرفة.

- ما تفكر معايا يا أخي في حل.

رد عصمت:

- حل إيه بقي كان حد قالك تعمل فيها مرعب.

- مرعب إيه يا شقيق ما إنت عارف إن دول شوية كده عشان أكل العيش.

- طب أهو الشوية طلغوا علينا يا حلو وأعضاء الجروب عايزين يطلعوا رحلة

للعامرة المسكونة وفاكرين نفسهم هيبقو في حمايتنا.

- حمايتنا آه يا حوستي السوداء يانا ياماً أنا كان مالي بالشغلانة دي.

- إجمد يا عم ما تكشفناش قدام الميمبر.

- أنا هخلع واقفل تليفوني

- تخلع إيه إنت مش عارف سمر البازونور مانجا دول يجيبوك من تحت الأرض.

- قولهم إني موتت

- وأقولهم ليه ما هما كده كده هيموتوك إنت يعني مش عارف البلوة الثالثة هبة

علي.

- آه عارفها بتاعة إبرة المنجد ما تجيبليش سيرتها.

- إبرة منجد إيه؟

- ماهي هبة علي دي مرة واحد ضايقها طلعت مصارينه من ن عينه بإبرة منجد

وعملت قلبه وكليته ميدالية.

- يا نهار إسود إنت جاي تحكي عنهم دلوقتي.

- وهي دي حاجة تتحكي.

- إسمع أنا جاتي فكرة حلوة.

- ها؟؟

- أكيد رجالة الجروب نفسهم يخلعو ومكسوفين إحنا نجس نبضهم واللي نلاقيه

ناوي علي خلعان نخلع معاه ونقول كنا بنحاول نرجعه.

- بس إنت معتمد على مين يعني.

- عندك تيام جوز نور ومحسن خطيب سمر.

- تيام نور قتلته سبع مرات لحد دلوقتي ومحسن سمر عارضة أعضاؤه للبيع من

مدة.

تدخلت في الحديث بينهم وأنا أثناء:

- إبقوا صحوني لما تخلصوا.

التفت كلاهما نحوي قائلين في آن واحد:

- قولتلنا إنت مين يا أبو الكباتن.

- خدامكوا نادر

عاد المنوف في يلتفت لعصمت:

- طيب سيبك من دول عندك أمير حسين.

- بتاع رواية النانمة؟ ده فاكرها رحلة استجمام وواحد معاه صن بلوك وشمسية

وقاعد يكوي المايوهات من ساعتها

- أو مال مين يعني اللي نفسه يخلع غيرنا.

- أنا عارف بقي هو كان جروبي ولا جروبك إنت مش مسيطر يا عمرو.

- وإنت مش عاجبني يا عصمت.

وفجأة أظلمت الغرفة فصاح المنوفي في ملل:

- كملت أصل أنا كنت ناقص حوار قطع الكهربا ده.

عصمت:

- يا عم هي الكهربا إمتي بتيجي عشان تقطع.

وقبل أن أقوم بتعليق ذكي كعادتي اهتزت جدران الغرفة فجأة، ثم ظهر دخان من

أحد أركانها، وانقشع سريعاً ليظهر مكانه كائن مخيف، صرخ فيهما:

- ما بس منك له قلبتو دماغي أومال كل شوية تتكلموا عني وتكتبوا وتقبضوا.

المنوفي:

- هالارسود الكبير شخصيًا.

عصمت:

- عمنا مسيوخ شخصيًا منور يا كبير.

مسيوخ:

- هَسَّ منك له لما انتوا خايفين كده بتتكلموا عني ليه هه يعني كويس لما أعملكو

ليفة دلوقتي يعني.

- السماح يا كبير.

- ده من حبنا فيك يا برنس.

أعجبني جو إسماعيل ياسين والمصباح السحري فقلت بحماس:

- قشطه عليه .. دخلنا في الجد.

التفت نحوي مسيوخ ونظرتي وكأنه يلحظني لأول مرة:

- مين الكائن ده.

وقبل أن أفتح في، أجاب المنوفي وعصمت في آن واحد:

- خدامك نادر

دارمسيوخ حولهم حاملا ذيله في يده ثم اقترب منهم قائلاً:

- إسمع منك له تحبوا تروحوا عمارة رشدي وتسيطروا ومحدث يعرف إنكم

بتخافوا من الجوافة.

المنوفي:

- أبوس إيدك

عصمت:

- في عرضك هنتفضح.

- امممم طب اهرشوا.

يقترّب المنوفي من عصمت لهرش في رأس الأخير لمهتف عصمت قائلاً:

- إيه هوده بيقولك اهرشوا يعني عاوز طلبات قرايين.

مسيوخ:

- إسم الله عليك تصدق بدأت أحبك وهبقى بطل أعمالك.

عصمت:

- أوّمر يا كبير.

- عاوز ٣ ضحايا فريش كل يوم من هنا لحد ميعاد الرحلة.

- وإيه كمان؟

- وشوب دم ساقع بالصودا.

- صودا دحنا اللي سنتنا سودا

- هش.. انت وهو انتوا هتقلشوا عليا ولا ايه؟

عصمت:

- بس يا كبير ٣ ضحايا في اليوم كتير وكمان الناس هتاخذ بالها إن عدد الأعضاء

بيقل

المنوفي:

- أه والنبي يا كبير شوفلنا حل ثاني غير موضوع الضحايا ده علي الأقل لحد معاد

الرحلة

رد مسيوخ وقد بدأ الشرر يتطاير من عينيه:

- إنتو هتفاضلوا ولا ايه يا بهوات خلاص بلاش منه خالص وإبقوا فرجوني بقى لما

تروحوا عمارة رشدي مع الجروب ويتعرف إنكم بتخافوا من خيالكم.

المنوفي:

- إسمع أنا جاتلي فكرة تنفع حل وسط.

مسيوخ:

- هات أما نشوف أفكارك

المنوفي:

- أنا عندي كام ممبير كده نايمين علي روحهم وبيخففوا كتير تاخذهم شروة واحدة

وأنا بعد كده هراضيك.

عصمت:

- شروة ايه يا جدع إنت كده هتضيع شوية القراء اللي حيلتنا.

المنوفي:

- أصبر يس هجيبك غيرهم في العيد.

عصمت:

هما إيه اللي تجيبلي غيرهم في العيد إنت فاكرهم تيشترتات!!! مش لاعب.

مسيوخ:

- طيب أنا هنام جنب نادر شوية لحد ما تخلصوا خناق.

أفسحت له مكان بجواري وناولته برتقالة قائلاً:

- خد بسم الله.

- يا عم أنا شيطان.

- طيب أعملها لك عصير بالجزر.

صاح المنوفي:

- خليك معايا أنا يا عم مسيوخ الله بباركك قولت إيه في الإقتراح بتاعي.

دار مسيوخ في الهواء:

- اللهم طولك يا روح هات ياعم البضاعة فرجني.

المنوفي:

- خد عندك دعاء الحناوي وعبد الفتاح دياب وإسلام أحمد دول تصبيرة كده

وأنا هراضيك في الرحلة هسيبك تخطف اللي إنت عايزه بحجة إن البيت مسكون

وتهبص بقي.

هرش مسيوخ قليلاً بين قرنيه ثم قال:

- والله مش بطالين ولو إن إسلام وعبد الفتاح معصعين بس مش مشكلة.

عصمت:

- أنا ليا عندك طلب يا كبير.

- الأسبوع الجاي كويس.

عصمت:

- لأ مش كويس إستني لما أتلّم عليهم.

المنوفي:

- هما إيه دول.

مسيوخ:

- هما مين دول

عصمت:

- ركبي أصل مش عارف أتلّم عليهم من ساعة ما شوفتك

اليوم التالي أتى سريعًا، ربما لأنه أسرع من كل الأيام، وربما لأنه يوم الثلاثاء.
جلست مع عصمت والمنوفي في مكتب هذا الأخير وقد هدأت أعصابهم قليلاً
بعد الاتفاق الذي تم مع مسيوخ .. بالإضافة إلى أنني سمعتهم يتحدثون عن ضحية
إضافية ثم أشارا الى .. أعتقد أنهم يحاولون إخافتي، أو أن هذا ما أتمناه...
سحبت برتقالة من الكيس الذي ما زال عصمت يحمله حين اقتحمنا إحصار..
أقصد حين دخلت علينا (هبة علي) رافعة حاجبها الأيسر راسمة علي وجهها تعبير
مخيف .. ألقى عصمت كيس البرتقال:

- إبعد مقتك وغضبك يارب .. مالك يا هبة إنتي هتتحولي؟

المنوفي:

- هات العواقب سليمة يارب.

هبة:

- مالي يعني إيه، إنتوا بتستهبلوا، إزاي تعلنو عن الرحلة من غير ما تاخدوا رأينا،

إيه قلل إحنا في الجروب ولا إيه.

عصمت في توتر:

- ما إحنا حطينا ورقة بالميعاد والإشتراك.

احمرت عينا هبة وانقبضت تعبيرات وجهها:

- يعني إيه حطيتوا ورقة، يعني أنا ونور وسمر نعرف الميعاد من الورقة زينا زي الناس عادي كده.

عصمت:

- لا مؤاخذه نسيت إنكم مش زي الناس دا إنتو وحوش فضائية.

هبة:

- بتقول حاجة يا عصمت!!

عصمت:

- أبداً بقول هتعشي ملوخية.

هبة:

- أه بحسب عموماً اللي حصل ده أنا مش هعديه حسابنا بعدين.

المنوفي في صوت خفيض:

- ربنا ينتقم منكم كان يوم إسود يوم ما شفتكم.

هبة:

- إسمعوا أنا هعمل إعلان عن شروط وقوانين الرحلة أنا ما بحبش الفوضى.

عصمت مرة أخرى في صوت خافت:

- يا رب تتقلبوا سحالي.

هبة:

- بتقول حاجة تاني يا عصمت.

- بقول يا رب تبقوا في العلالى.

علمت فيما بعد أن هبة أجرت اتصالاتها بنور، وسمر، حيث اتفق الثلاثة على نظام وقوانين للرحلة وكانت النتيجة كالآتي:

- _ ممنوع الأحذية والأعمال السفلية.
 - _ ممنوع اصطحاب العفاريات الغير مرخصة.
 - _ ممنوع التخلف عن ميعاد التحرك.
 - _ ممنوع سندوتشات البيض ربحتها بتضايقي.
 - _ ممنوع التدخين إلا لو هتدينا سيجارة.
 - _ ممنوع مصاحبة العفاريات الغرب وجو التعارف والموبايلات عيب كده ما تفرجوش علينا الجن.
 - _ ممنوع الجلوس أو الوقوف أو النوم.
- ملحوظة:

من يتجرأ ويخالف أيًا من التعليمات السابق ذكرها سيتم التعامل معه بكل حسم مع احتمالية تقديمه هدية للجنّي مسيوخ المرافق للرحلة.

ملحوظة ثانية كنت هنسأها:

إبرة الخياطة لا تزال في جيبي...

هرعت مثل المسعور إلى عصمت والمنوفي حاملًا لهم القوانين .. حين رأني عصمت أخفى بسرعة كيس البرتقال .. قرأ المنوفي القوانين كأنه يقرأ إعلان استسلام المانيا في الحرب العالمية، ثم التفت الى عصمت:

- شوفت يا عصمت قوانين الست هبة أنا ناقص ياخويا!!

عصمت:

- شوفت بس أنا اللي محيرني هي عرفت منين إن مسيوخ طالع معنا الرحلة.

المنوفي:

- إنت بتسألني أنا هو مسيوخ ده تبع مين.

عصمت:

- قصدك إيه يا سي عمرو؟

المنوفي:

-قصدي إن مسيوخ ده طالع من روايتك وواضح إنك مش عارف تسيطر عليه.

عصمت:

وما سيطرتش إنت عليه يا سي عمرو، وجيبتلنا نائلة ولا أزموديس بتوع عزيف.

احتدّ المنوفي:

- يووووووووه أنا مش فايقلك إنت كمان شوفلنا مسيوخ بتاعك عاوز أعرف هبة دي عرفت منين مصيبة لتكون عرفت اتفاقنا معاه!!!

عصمت:

- يا بني آدم إفهم مسيوخ ده أنا ما أعرفوش ده مجرد إسم في الممسوس وما أعرفش حتى بييجي منين وازاي.

فجأة تخرج رائحة كريهة فينظر كلاهما نحوي شزراً .. قلت مبتسماً:

- والمصحف ما أنا.

ضحكة رنانة يظهر بعدها مسيوخ من الفراغ:

- شبيك لبيك خدامك بين إيديك.

عصمت:

- فيه إيه يا عم إنت مفكر نفسك جني المصباح .. إنت شيطان .. شيطاااااان.

مسيوخ:

- سوري مان .. إندمجت في الدور.

حدثت نفسي:

- ده مش جني ولا شيطان، ده إبتلاء

عاد مسيوخ يدور في الهواء فتنصاعد الرائحة الكريمة وهو يردد باستمتاع

شيطاني:

- إيه رأيكم في البرفيوم الجديد بتاعي.

أنا:

- الله يقرفك. ايه يا بني آدم ده!!!

مسيوخ:

- بني آدم مين يا نجم ما بلاش غلط أومال .. خير سمعت حد بيقول مسيوخ.

المنوفي:

- ممكن نعرف يا مسيوخ باشا، هبة عرفت منين إنك طالع معانا الرحلة.

مسيوخ في سماجة:

- أنا ما قولتش لحد غير نور وسمر.

المنوفي:

- يا سلام هما دول بس طب ما نشرتهاش في الأهرام ليه يا أمور.

احمّرت قرون مسيوخ قانلاً:

- أنا ما بحبش حد يقلش عليا.

عصمت:

- خلاص انتهىنا، مش مشكلة بقي اللي عرف عرف يا ريتهم يخافوا ويلغوا الرحلة

أصلاً.

لم أعتد أن أعتذر عن أي اتفاق أو رحلة لكن لسبب أجهله حدثتني نفسي بالاعتذار وعدم الذهاب .. كان ذلك صبيحة يوم الرحلة .. جادلت نفسي كثيرًا .. وأخيرًا حسمت أمري وقررت أن أذهب .. في النهاية أنا مجرد مرافق وشاهد على الأحداث.

وصلت إلى مكان التجمع قبل أي شخص آخر .. كانت هناك برودة غريبة في الجو .. بحثت ببصري عن أحد آخر فلم أرى .. لوهلة ظننت أنني أخطأت المكان لكنني لمحت عصمت قادم وهو يضع يده في يد أندروميديا .. طبعًا أنا أقصد اندروميديا الوحش وليس أندروميديا^(٢) المجرة التي سوف تصطدم بمجرتنا بعد ٣ بلايين عام .. لسوء الحظ لم أكن موجودًا لأشهد تلك اللحظة الكارثية.

ألقى عليَّ عصمت سلامًا مقتضبًا بينما نظرت لي أندروميديا باستغراب .. راحت تمسحني بعينها النارية مسحًا .. توترت كثيرًا وابتعدت عنها.

بمرور الوقت توالى حضور الجميع .. لكن المنوفي لم يصل بعد .. وكذلك باص الرحلة ..

(٢) في الميثولوجيا اليونانية، أندروميديا هي ابنة كاسيوبيا والتي تباغت بأن ابنتها أندروميديا أجمل بكثير من حوريات البحر، أرسل بوسيدون (إله البحر) وحش البحار لتدمير مدينتهم، كنوع من العقاب وفي محاولة لاستلطاف الوحش، قيّد الملك كيفاوس ابنته على الصخور كقربان، وقبيل أن يتمكن الوحش من اختطاف الأميرة، نزل البطل بيرسيوس من السماء على حصانه المجنح وأنقذها من الموت وتزوجها.

توترت الأعصاب وسادت الهمهمات بين الجميع:

- اممممممم

توجهت كل الأنظار نحو عصمت.

- اممممممم

أعتقد أنهم على وشك أن يصلبوه فوق عمود ثم يحرقونه .. أعجبتني الفكرة وتمنيت ألا ياتي المنوفي حتى أشهد هذا الحدث الرائع.

كان عصمت من الذكاء بحيث أخرج تليفونه واتصل على المنوفي والذي جاء سريعاً يحمل كيس البرتقال الذي نساه عصمت في مكتبه .. قال عصمت:

- إنت فين يا عم وفين الباص!

- ما هو قدامك أهو, سلامة نظرك.

- مفيش حاجة يا عمرو مش ناقص مزولة.

أشارت أندروميديا لشيء ما أمامها وايتسمت .. فهم عصمت أن الباص موجود فأكمل في عصبية:

- إيه ده إنت جايبيلنا باص خفي هي ناقصة عفرتة.

لوح المنوفي بيده:

- يا ابني ده مش باص.

- أمال إيه ده بقى.

- ده تتين مجنح استحضرت روحه من الأقبية أهو حاجة جديدة نعمل بيها شو قدام الميمبروكممان مش هندفع حاجة.

عصمت:

- الصبر يارب وحضرتك أقنعت جناب التينين إللي أنا مش شايفه أصلاً إزاي إنه ياخذنا كلنا.

- يا راجل ده شيكو طيب قوي.

- كمان اسمه شيكو يللا ربنا يسهل وشيكو يجوع وياكل زمارة رقبة هبة وسممر

ونور وتبقى رحلة سعيدة بجد.

تدخلت في الحديث:

- صباح الخير يا بهوات

التفت نحوى عصمت ثم عاد يقول:

- وياكل كمان نادر

لحظات وبدأ شيكو يظهر للجميع .. تنين أسطوري رهيب، قادر على حرق قرى

كاملة في لحظات.

توقفت بجواره أتأمل عظمته، حين جاءت سمر ضاحكة وراحت تربت علي عنقه

فاستكان في مكانه مثل قطة صغيرة .. أخرجت مصاصة صغيرة ووضعتها في فمه

فاختفت ثم نظرت لعمر و قائلة بابتسامة واسعة:

- مش تقول إنك جايب شيكو دي نور وهبة هيفرحوا قوي.

المنوفي مصدومًا:

- إنتوا تعرفوه!

- طبعًا طبعًا ده شيكو اللي كان بيوديهم المدرسة وهما في إعدادي.

- ربنا ينتقم منكم إنتوا إيه مفيش حاجة بتحوق فيكم كان يوم إسود يوم ما

شوفتكم.

ومن بعيد هلّت علينا ساحرة شريفة ترتدي عباءة سوداء وتمسك بزجاجة يسبح

فيها كائن غامض .. حين اقتربت ودققت في ملامحها اكتشفت أنها هبة .. ألقّت علينا

تعويذة .. أقصد ألقّت علينا سلامًا، ثم التفتت إلى سمر قائلة:

- ها كله جاهز يا سمر

- تمام يا هبة بس هفتش الميمبر عشان نركب شيكو ونتكل.

وقفت سمر بجوار جناح شيكو واصطف الميمبرز في طابور نتيجة نظرات هبة المتوعدة وإبرة الخياطة.

كان أول الحضور فتاة هادئة تدعى سمىة أمسكت سمر حقيبة سمىة بصعوبة من شدة ثقلها .. سألتها:

- إبيبييه ده إنتي حاطة فيها إيه.

- شوية كتب كده للقراءة الخفيفة.

- كل ده وخفيفة هو إنتي محدش قالك إن دي رحلة هلاك واحتمال تموتي؟!

سمىة في هدوء:

- أه عارفة أصلهم احتمال يعذبونا وأنا بشعر بملل أثناء التعذيب فقولت أجب

معايا كتب أنسى بيها.

سمر:

- يعني إنتي مش خايفة؟

سمىة:

- وكيف يخاف من اعتادت روحه طرقات الألم.

سمر:

- خشي يا ماما هتشليني, اللي بعده.

ساعدت سمىة على ارتقاء شيكو وسألتها:

- لو سمحتي .. حضرتك مشيتي كتير في طرقات الألم.

- أه كتير قوي.

- غريبة مع إني جربت أمشي فيها توهدت .. هههههه

تلقيت شكة في معدتي من إبرة خياطة هبة فتحجرت في مكاني.

جاء الكاتب الحالم أمير حسين وقبل أن تقترب سمر من حقيبة أمير صاح قائلاً:

- حاسبي حاسبي النظارة سينبيه.

سمر:

- سينبيه مين يا عم إنت هو إنت جايب معاك بنات في الشنطة.

أمير:

- أوف إنتي مش ممكن التفاهم معاكي إتفضلي الشنطة أهي.

فتحت سمر الحقيبة لتقول:

- إيبيبويه ده صن بلوك وكتب وأي باد ومايوهات إنت فاكر نفسك رايج فين؟

أمير:

- رايج رحلة هو مش دي رحلة برضه ولا أنا فاهم غلط.

سمر:

- يا نافوخي ياني إنت يا ابني مش كاتب رعب ومفروض تبقي عارف إحنا رايجين

فيين وهنعمل إيه.

أمير:

- وإفرضي هو ده يمنع إننا نستمتع بالرحلة؟

سمر:

- الصبر يارب اللي بعده.

تقدم محمود عياد أكثر الأعضاء غرابية علي الإطلاق .. فتحت سمر الحقيبة

لتفاجئ بمحتوياتها:

- إيه يا عياد ده توم وأوتاد خشبية وأحجبة وتعاويد أنا ما كنتش أعرف إنك

خواف كده.

عياد مبتسماً:

- خواف مين يا حاجة دا أنا واخدهم أكل فيهم عيش.

سمر:

- مش فاهمة!!

محمود:

- الناس لما بتخاف بتشتري أي حاجة ممكن يبقي في أمل تحميم الحاجات

هتبتاع هوا.

سمر:

- ممنوع.

محمود:

- عديني وأنا هشوفك.

سمر:

- آخذ نص ليا وراضي هبة ونور

جاءتني الحماسة فتدخلت قائلًا:

- وأنا كمان

ضربة ثانية من إبرة خياطة هبة وعدت اتحجر في مكاني .. قال محمود معترضًا:

- يفتح الله كده تبقى واقفة بخسارة هديكو التلت ورشوا على بعض.

سمر:

- طيب في السكرتة بقي أنا هاخذ تلت لوحدي وفكك منهم.

محمود:

- يا هادي يارب لم علينا عبيدك يارب.

سمر:

- اللي بعده.

كانت دعاء الحناوي, فتحت سمر حقيبته لتجدها مليئة بالكثير من الدمى على

هيئة دبية:

- إيه يا ماما ده؟!

دعاء:

- دباديبي ما أقدرش أنام من غيرهم.

- يعني داخليين علي رعب وأيام سودة وإنتي جايبة دباديب!!!

دعاء:

- وماله مش عصمت والمنوفي هيحمونا.

ابتسمت في قرارة نفسي حين قالت ذلك .. قالت سمر:

- يحمونا ما كانش يتعزىيا قطة.

- يا مامي يعني إيه؟؟

- يعني إنتي ورزقك بقى عدي اللي بعده.

جاء هيثم ممتاز الصامت الغامض .. سألته سمر باستغراب:

- فين شنطتك يا هيثم؟؟

- معيش.

- أو مال هتغير هدمك إزاي؟

- ما بغيرش.

- طيب معاك فلوس؟

- ما أنا هاخذ منكم.

- أه إنت جاي سفلة بقى بس أما أشوفه عصمت بيه بيعزم الناس وخلص اللي

بعده.

استمرت سمر في تفتيش حقائب الأعضاء وسط همهمات غاضبة من كل من عصمت والمنوفي وباقي الأعضاء حتي وصلت لحقيبة محمد محسن:

- إيه يا محسن اللي معاك في الشنطة؟

- معقولة يا بيبي أنا كمان هتفتش؟

- دا أنا عاملة التفتيش ده مخصوص علشانك يا بيبي.

- أشكو إليك.

- إشكويًا خويا براحتك بس هات الشنطة هاهنا إيه ده يا أستاذ؟

- دي دي ... مش بتاعتي والله.

- لا يا شيخ إنطق بسرعة صورة كامرون دياز بتهبب إيه في شنطتك.

- والنعمة ما بتاعتي دي بتاعة تيام جوز نور.

- نهاركوش معدي إنتوا الإثنين وأهو مسيوخ كان طالب دم طازة.

ثم نادى على مسيوخ الذي أتى سريعاً يشحن أسنانه .. ثم عادت تقول:

- خلصنا من تيام ومحسن .. بص .. وبأقصى درجات الألم.

وما أن اقترب مسيوخ من تيام حتى همس المنوفي في هلع لعصمت:

- يا نهار إسود علي المنظر ليللا بينا نجري.

عصمت:

- مش جاري عايزني أجري وأضيع سمعتي؟

المنوفي:

- خلاص براحتك عن إذنك العمر مش بعزفة.

عصمت:

- إستنى خدني معاك أنا خايف.

وسار عصمت والمنوفي علي ركبتهما مختبئين وسط حقائب الأعضاء بينما أكملت سمر تفتيشها الدقيق في حقائب الأعضاء.

حتى وصلت لريم طارق:

- وريني شنطتك يا ريم حتي

- إيه يا ريم اللي معاكي ده كله إلكترونيك شوك وبخاخ سيلف ديفنس وصوباعين ديناميت وإسبراي شطة واياه ده كمان قنابل بدائية الصنع ليه ده كله.

ريم:

- دي أدوات دفاع عن النفس ضد التحرش.

- تحرش إيه إحنا رايعين بيت أشباح يعني رعب وعفراريت وكده.

- العفراريت أخلاقها اتغيرت يا سمر ما بقوش يخوفوا بس دلوقت بقوا يتحرشوا كمان.

- على قولك يا أختي قطيعة تقطع التحرش وسنينه.

في تلك الأثناء صاحت هبة في ضجر:

- ماهو كده مش هنخلص اللي معاه حاجة ممنوعة يخلص ويقول مش ناقصين عطة الجوجر.

سمر:

- إصبري بس يا هبة خلاص أهو قربنا نخلص.

- خلصونا بقي

قالها عمرو مرزوق فالتفتت نحوه سمر وسحبت حقيبته لتفتشها:

- إيه يا عمرو ده شنطتك مفهاش غير كاميرا فيديو بس؟!

- أيوة أصل بصراحة نفسي أشوف الأستاذ فامباير واتصور معاه.

أخفت سمر الكاميرا في حقيبته دون أن يلحظ أحد:

- إحم عدي يا عمرو إن شاء الله تلحق تتصور مع الفامبير قبل ما يقتلك.

عمرو:

- يارب يا اختي يارب.

- اللي بعده.

وهناك كان مزويًا في ركنٍ ما في الظل شخص لا تفكر سمر في تفتيش حقيبتة ..
المربع .. صاحب العيون المتكاسلة والوجه الطفولي .. حسن الجندي .. اقتربت منه
سمر يحذر كمن يمر أمام تنين ويخشى إيقاظه:

- إمم ممكن شنطتك يا حسن.

- أنا!!!!

- اها لو سمحت يعني.

- أه قوي قوي إتفضلي.

ناولها محفظة صغيرة من تلك المخصصة لحفظ التبغ وأوراقه.

- إيه ده يا حسن إنت مش واخذ معاك غير دي.

أجاب حسن بتكاسل:

- أه مش محتاج غيرها.

- هتقعد أسبوع تلف سجاير بس.

- ياريت الأسبوع يكفي طب لعلمك بقى أنا طالع الرحلة دي مخصوص عشان

أعرف ألف سجايري في هدوء.

- يا سيدي على الروقان ومش خايف؟!

- أخاف من إيه.

- يعني رعب وعمارة مسكونة وكده.

- فتح حسن بصعوبة عيون تكره الضوء ثم تطلع الى سمر قائلاً:

- تعرفي إليه أكثر حاجة بتخوف الناس؟

- إليه؟

- كل واحد في جواه علبة مليانة حاجات سودا بيبقى مرعوب إنها تطلع وتكشف جنبه وعيوبه عشان كده بيخاف يتزق وتظهر عيوبه.

- نظرية برضه بس أكيد في خوف ببيجي من برا يعني أشباح ضلمة فوبيا.

- يا بنتي والله كله جاي من هنا وأشار إلى مخه بتكاسل مكملاً حديثه كل واحد خوفه جواه لو عرف يتخلص منه مفيش حاجة برة هتخوفه.

- هايل يا حسن إنت بتقول اللي جوايا بالظبط.

قالتها هبة مكملة جملة حسن:

- والخوف نوع من الضعف الإنساني صعب نتغلب عليه.

- أه وما تنسوش الخوف من الزمالك يغلب الأهلي .. ده خوف كبير بالمناسبة.

قلتها فالتفتوا لي جميعاً .. وقبل أن تخترقني إبرة هبة للمرة الثالثة أوقفها حسن

بإشارة من يده:

- سيبيه يا هبه .. إحنا ناس مسالمين.

تنفست بارتياح، وإذا به يخرج إبرة أطول ويغرزها في معدتي مستطردًا:

- بس الإبرمش مسالمة للأسف

جاء الدور على هبة لتتولى ركوبهم على ظهر التين شيكو، وفي هذا الوقت اكتشف الجميع اختفاء عصمت والمنوفي .. أو في الحقيقة أنا من نيهتهم لغيابهم حين قلت بكل براءة ممكنة:

- على فكرة يا جماعة، عصمت والمنوفي خلعوا.

التفتت نحوي هبه وأخرجت إبرتها من جديد:

- كنت حاسة إنهم همربوا.

سمر:

هربوايه ده شيكولو وقفناه أكثر من كده هيتعصب ويبخ نار على الكل.

هبة:

ما تقلقش هجيبهم شوفيلي نور فين.

أمسكت هبة هاتفها في غضب وطلبت رقم عصمت ليجيبها الرد الآلي:

- الهاتف غير متاح، وإذا كنتي هبة فالتاتف لا يعمل، والأجر والثواب عند الله.

استشاطت هبة غضبًا وركلت مسيوخ في قدمة فصرخ:

- وانا مالي يا وحش.

في تلك اللحظة ظهرت نور من بعيد قادمة وفي يدها سلسلة مفاتيح ضخمة تلهو

بها .. صاحت هبة في عصبية:

- إنتي فين يا رايقة الهوات هربوا.

نور:

- هربوا مين يا بنتي إحنا بنلعب ولا إيه أنا شوفتهم وهما ماشيين وبعنت وراهم

محمود عياد إتقلي سيكا..

قاطعتها:

- سيكا بيكا.

حدجتي نور بنظرة ثاقبة تشبه نظرة أدهم صبري فبترت كلامي في التو واللحظة...

بعد قليل جاء محمود عياد يتبعه عصمت والمنوفي وما أن اقتربوا حتى لمعت

نظرات شريرة متوعدة من عيني هبة التي قالت:

- بتهربوا يا حلوين!؟

عصمت:

- عيب كده على فكرة ما يصحش تقولي هربوا.

المنوفي:

- وهترب ليه دي أندروميديا وميدوزا كانوا عاوزين كوافير عشان يظبطوا شعرهم.

هبة:

- كوافير إيه إحنا هنصيع؟

عصمت:

- وهنكذب ليه أهم عندك إسألهم ميدوزا الأفاعي اللي في شعرها طولوا وبقوا يضايقوها فكانت عاوزه تقصهم.

وهنا سمع الجميع شخص يأتي من الخلف ويقول:

- توقظني زوجتي في منتصف الليل، لتسألني عن سربكاه ابننا الوحيد .. أخاف أن أخبرها أنه قد مات منذ عام في حادث سيارة .. ويزداد خوفي كي لا أخبرها أنها قد ماتت معه في نفس الحادث.

- ها

قلتها وأنا لم أفهم شيء مما قال .. التفت الجميع نحو الشخص القادم حين صاحت نور على شيكو:

- شيكو .. خلصنا منه

وفي لحظة ابتلع شيكو هذا الشخص دون أن يجد الوقت للصرخ .. التفت لنور أسألها:

- مين الشخص

- ده شخص مجهول اسمه محمود الجعيدي

احتدت سمر في الكلام:

- مش يللا بينا بقى؟

المنوفي:

- أه يللا هتعمللونا فلتنطلق يا شيكو.

نفث شيكو بعض النيران من أنفه ونظر للمنوفي نظرات غاضبة اعتراضًا على

أوامره.

ربتت هبة على عنقه قائلة:

- معلش يا شيكو إالي ما يعرفك يجهلك يللا بينا.

نفث شيكو نيرانه من جديد ثم ضرب بجناحية الهواء فاهتزت المنازل من حوله..

وانطلق...

-٤-

كنت أخشى الارتفاعات لكن هذا لم يمنعني من اختلاس النظر إلى الأسفل ..
كانت المباني تبدو كعلب كبريت مستطيلة، والعربات مثل نقاط سوداء صغيرة تتحرك
بيطاء.

لمحت المنوفي وهو يميل على عصمت قائلاً:

- إنت مالي إيدك من مسيوخ ولا هيسوحننا.

عصمت:

- لا ياعم عيب عليك دا أنا عكمته عشر جئث طازة كنت مقلهم من مشرحة
المرحوم بتاعة حسن كمال.

المنوفي:

- طيب قشطة.

ارتفع صوت شخير تيام ليزعج شيكو الذي بدأ في الزمجرة ونفث النيران من أنفه.

وهنا تنهت سمر إلى وجود ما يزعجه فقالت:

- اللي فاتح شباك ورا يقفله يا جماعة التكييف شغال.

فأجابها حسن الجندي:

- آسفين يا شيكو كنا بنولع سيجارة

هبة في غضب:

- ما قلنا ممنوع التدخين ولا يعني عايزني أنزلك هنا؟

صاحت ريم:

- ميس هبة ممكن أقعد جنب الشباك؟

هبة:

- اللهم طولك يا روح وبعدييييييين أنا بتعصب بسرعة.

عصمت:

- ما بالراحة على الناس يا أبله.

هبة:

- أبله ما تقوم تقطع تذاكر بالمره.

نور:

- أه والله ينفع كمسري.

سمر:

- لأ طبعاً الكمسري بيبي شكله غلبان لكن عصمت شكله خايف تفرق يا جماعة.

عصمت:

- والله دمكو خفيف بقي وكده.

نور:

- أه في حاجة.

عصمت:

- أه ياما في عفاريت وعيدان كهريت.

هبة:

- طب حاسب تتوسع.

المنوفي:

- ممكن تبطلوا لطافة عشان مصدع!!

نور:

- بلا نيلة.

مالت هبة نحو سمر:

- لأ واضح إنه عاوز يعمل علينا شخصية بقى وكده.

سمر:

- معلىش من نفسه سيبيه لحد ما نوصل هناك ونتفرج على جمال شخصيته.

المنوفي:

- اللهم طولك يا روح.

عصمت:

- أنا عارف إيه إلهي كان جابني ما كنت قفلت الفيس والتليفون والتلاجة وقعدت

في بيتنا.

سمر:

- هي التلاجة هنتقفل أه بس هنتقفل عليكم في العمارة هتبقو قمر وانتو متجمدين.

التفتُ إلى نصار قائلاً:

- تفتكر ممكن نقابل حاجة تخوف فعلاً هناك؟

نصار:

- مش متهياي، بس أنا شايف إن كل واحد بياخد خوفه معاه مطرح ما بيروح.

- خوفو ولا خفرع .. ههههههه

حقاً أنا خفيف الدم على نحوٍ غير مسبوق .. قال نصار بجديّة:

- لأيا خفة أنا أقصد إن لوانت بتخاف من حاجة معينة هتفضل تخاف منها مهما اتغيرت الأماكن

حاولت أن أجاريه في الكلام:

- يا عم فاهم طب إنت بقي بتخاف من إيه؟

صمت نصار قليلاً ليشرّد ببصره قائلاً:

- بخاف من إيه قصدك ما بخافش من إيه.

- يااااه هو إنت بتخاف من حاجات كتير كده!!

نصار:

- يوووه ما تعدش تصدق أنا بخاف من أي باب مقفول.

- غريبة وإيه اللي يخوف في كده.

- إيه اللي يخوف إزاي بقي أنا إيش عرفني إيه اللي مستنيي ورا الباب.

- بس ده لوانت في مكان غريب.

- غريب قريب ما تفرقش أنا بخاف من أي باب مقفول دا أنا في البيت لو حبيت

أشرب ما بفتحش باب التلاجة.

- لأ دا إنت حالتك صعبة خد ولع دي وانت تلاقي قلبك بقي حديد.

قلتها ثم أخرجت له سيجارة ملفوفة كنت قد سرقتها من حسن الجندي.

بعد أن تفادى شيكو الاصطدام بطائرة، وحطم برج القاهرة، وانتزع رأس أبو الهول من مكانه، حطّ أخيراً على مقربة من عمارة رشدي.

هبة تأمرنا بالاصطفاف في طابور آخر.

لقد سئمت كل تلك الطواير .. جاءتني فكرة جيدة بالقائها داخل فم شيكو .. تبدو

هبة مناسبة وبالتأكيد سوف يستمتع شيكو بطعمها.

مسحت الفكرة من رأسي حين صرخت هبة في الأعضاء الذين أبدوا اعتراضهم ..

المنوفي قال:

- مستحيل دي تكون صرخة إنسان .. إنتي أكيد من عالم تاني.

أجابته وهي تدفعه في الصف بقسوة:

- أه .. أنا من نيزك تاني .. واسكت بدل ما أبعتك ليه.

اتخذت مكاني في الصف بسرعة وراء المنوفي الذي عاد يقول:

- لولا بس أنا ما بحبش أمد إيدي على البنات كنت...

قاطعته هبة بحدة:

- كنت إيه؟

تردد:

- كنت .. كنت .. طيب والنعمة إنتي زي الفل.

حدجته هبة بنظرة حادة ثم التفتت للجميع:

- اللي مش عاجبه هخليه يسبقنا على جوا لوحده ونقعد هنا نستنى خبره أو جثته.

حسم قولها الأمر .. نزلنا الى الشارع في صف طويل جعل المارة ينظرون لنا بانهار

حقيقي .. فتاة صغيرة تمسك بيد والدتها وتشير نحونا بفرح جنوني:

- السيرك وصل يا ماما.

أمها تقول بخبرة السنين:

- طالعة عبيطة زي أبوكي .. دول مخلوقات فضائية.

توقفنا أمام العمارة .. كانت عبارة عن مبنى ضخم مكون من أربعة أدوار، ذات

لون أصفر كنيب، تبدو كأن الزمن قد توقف عندها، ولوهلة أحسست أنها كائن حي

يَعُطُّ في نوم عميق وقد يستفيق ذات يوم.

كان يحيط بالعمارة سور حجري ضخم، يعلوه حراب حديدية، أسنانها تتجه نحو

السماء.

ساد جو من الهمهمات والسخط والغضب بين الأعضاء.

درت حول السور في جولة سريعة .. كان تجاوزه أمرًا صعبًا أو لنقل يحتاج إلى شخص يخاطر بحياته .. فكرت أن أطلب من تيام أن يفعل ذلك لكن خشيت من انتقام نور.

حين عدت وأثناء ذلك تحرك وائل نصار بهدوء نحو الجدار مآذًا يديه يتحسسه بهدوء حتى توقف عند حجر معين ومرر أصابعه عليه في شكل نجمة خماسية فإذا بالجدار يتحرك وسط دهشة وذهول الجميع.

صرخ أمير عاطف:

- يخرب بيتك هو إنت منهم؟

وصاح المنوفي في سعادة:

- أهو عشان تعرفوا إن كتاب الرعب مرعبين فعلاً مش حركات.

لم ينطق وائل حرفًا ولم يلتفت أو يعرهم أي انتباه وتحرك بهدوء مخيف تجاه الداخل وسط صيحات ونداءات الجميع, لحق به عصمت وأمسكه بقوة قائلًا:

- إنت رايع فين يا جدع إنت!!!

استدار نصار بهدوء كمن يقف على قرص دوار ليواجه عصمت .. تراجع هذا الأخير مذعورًا وهو ينظر لنصار الذي تغيرت ملامحه .. كان قد تحول إلى كائن شاحب البشرة، أحمر العينين ذو فم كأنه خط رفيع شق بالقوة .. ومن بين شفوية برز نابان ينتميان إلى فئة مصاصي الدماء .. رددت بتوتر:

- نابان!!!

وحاولت أن أخفي ارتعاشة كاذبة في جسدي حين واصل نصار تقدمه وتجاوز الجدار، ثم وصل إلى مدخل العمارة حيث دق على الأرض بقوة فظهرت فجوة خرج منها تابوت، نام داخله نصار وهو يعقد يديه أمام صدره ثم اختفى التابوت تحت الأرض مرة أخرى.

نور:

- تنشك في قلبك يا بعيد أنا جوعت من الخضة ويقول كفاية كده رعب ما تيجو نرجع بقى.

رمقتها هبة بنظرات نارية قانلة:

- ترجعي فين يا نور؟؟ .. إحنا داخلين داخلين.

ثم وبكل جرأة ممكنة فتحت باب العمارة ودخلت...

رفض مجموعة من الأعضاء الدخول وعادوا أدراجهم بينما أكملت أنا والباقيين الدخول وراء هبة.

كان بهو العمارة واسع وتصدعت جردانه بالشقوق التي تكفي لإخفاء جثة فيل بينها .. سمعت (سلي شمس الدين) تقول لريم:

- شفتي المنظر إزاي عمل كده!

ريم:

- عادي يا بنتي خدعة يعني أمال يعرفونا إنهم مرعبين إزاي؟

سلي:

- بس العمارة دي مقفولة من سنين وموضوع الأرض اللي إتحركت دي...

ريم:

- يا بنتي عادي والله كلها حركات يعني تلاقيهم متفقين مع حد يظبطلهم شوية خدع.

أميرعاطف لمصيلحي:

- شوفت يا عم صاحبك وحركاته.

مصيلحي في تكاسل:

- صاحبي مين؟

- وائل يا عم.

- ولا أعرفه.

- لا يا راجل أو مال مين اللي راشق معاه ليل نهار في البورصة؟

- بورصة إيه يا جدع بقولك معروفش!

- طيب وانا ما تعرفنيش أنا كمان؟

- لأ يا عم عارفك بأمانة السجارة اللي هتديها لي دلوقتي.

- يخربيت دماغك اللي على طول رايحة دي.

- رايحة فين يا عم مانا متنيل واقف معاك أهو.

أصابتني أحاديثهم بكثير وكثير من الصداق وتمنيت لو حملت حزام ناسف وفجرت نفسي بينهم .. لم نكد ندخل جميعاً حتى سمعنا صوت إغلاق باب العمارة خلفنا فساد الظلام .. هرع المنوفي يحاول أن يفتح الباب، وحذا حذوه بقية الشباب وأنا من بينهم .. كان الباب أشبه بصخرة ثقيلة لا يمكن أن تزحزح قيد أنمله
صرخت سلمي:

- أنا بخاف من الضلمة.

ثم توالى صراخ بقية الفتيات حتى أنني شعرت أنها مسابقة لمن تكون صاحبة أفضل صرخة. رفعت صوتي:

- من فضلك يا هبة ولعوا النور.

هبة:

- نور إيه أنا معرفش أي حاجة هنا.

جاء صوت حسن الجندي:

- طيب حد يتصل بالشرطة

أخرجت هاتفي وكذلك فعل الجميع .. كنت أعلم النتيجة مسبقًا .. الهاتف لا يعمل أو لا توجد شبكة .. دائما ما يحدث ذلك في أفلام الرعب فلم لا يحدث الآن!!!
هنا شعرت برجفة مفاجئة .. لحظة وأدركت بأن الأرض تنسحب من تحت الأقدام ..
نظر عياد إلى الأرض باستغراب:

- الله سجادة متحركة دي ولا حد بيسحبها ولا إيه!!!

سلي:

- أنا كده ممكن أقع ولو وقعت مش هيحصل طيب.

المنوفي:

- أنا مش فاهم في إيه الأرض كأنها بتمشي بينا.

تساؤلات كثيرة صدرت منهم بلا مجيب فلم يجدوا إلا الصمت والانتظار وبعد عدة دقائق مرت كأنها الدهر توقفت حركة الأرض أسفلهم وفيما يبدو أنهم وصلوا إلى مكان آخر غير المدخل الذي دخلوا إليه قبل قليل وأضيء ضوء خافت من مكان ما جعلهم يكفون عن الصباح وبدأوا يتطلعون حولهم فإذا هم في هوكبير يشبه غرفة طعام بها مائدة عملاقة عليها مئات الشموع والأكواب البراقة والأطباق الفارغة.

عصمت:

- الله سفرة هاري بوترحلو الجوده.

ريم:

- يعني لودعكت الطبق هيجبلي بيتزا؟

سلي:

- إذا كان كده أنا عاوزه رز وبسلة.

أمير عاطف:

- طيب ممكن ننزل الشنط بتاعتنا عالارض ويقترح محدش يقعد عالترابيزة دي

عشان ممكن يكون مقلب.

سمر:

- لأخلاق أنا رجليا وجعتني هقعد واللي يحصل يحصل.

ركضت سمر إلى أقرب مقعد لتجلس عليه و حدث أمر عجيب حقًا.

فقد أضيئت بعض الشموع الإضافية حول طبقها.

تطلع الجميع في ترقب لما سيحدث فهم في أشد التعب ويرغبون في الجلوس للراحة ويمتعهم الخوف كأنما قال كل منهم في نفسه سنرى ما سيحدث لها.

لحظات وسمعوا صوت سائل يسكب في الكوب المواجه لسمر ووضع شيء ما في طبقها مغطى بغطاء لامع

فركت سمر يديها في سعادة قائلة:

- والله ناس ذوق يارب العصير يكون ساقع.

ومدت يدها لكأسها فإذا السائل الموجود بالكأس حار أحمر اللون له رائحة غريبة
تراجعت سمر قائلة:

- واضح إنها شوربة مش هشرها الجو حر ثم هو في شوربة لونها كده خلاص هاكل
اللي في الطبق وخلاص أنا هموت من الجوع.

مدت سمر يدها للطبق المغطى لترفع عنه الغطاء لتصرخ صرخة مروعة ثم
فقدت الوعي.

تقدمت بحذر ما الذي أفزعها .. حين دقت النظر فيه لم أجد ما يستوجب
صراخها .. فقط كانت هناك رأس إنسان مقطوعة.

تعاونت الفتيات على حمل سمر من مكانها ووضعها بعيدًا عن الرأس المقطوعة.

استمرت محاولاتهم المضحية لإعادة الوعي لها.

أعتقد أنها ستكون بخير لو أفسحوا لها مساحة وتركوها تستنشق هواء نقي.

سمعت المنوفي يقول:

- البننت دي لوجالها انهيار عصبي مش ممكن أسامح نفسي أبدًا أنا اللي وافقت على التهريج ده من الأول.

أخبرته أنه يمكنه ألا يسامح نفسه لاحقًا أما الآن فنحتاج إلى أن نفكر سويًا. بعد دقائق مرت عصبية سمعنا أخيرًا صوت سمر وقد أفاقنا أخيرًا .. من بعيد ألمح هبة تشير لنا بعلامة النصر.

تنفسنا قليلاً الصعداء قبل أن يأتي من وراءنا صوت أجش نعرف صاحبه جيدًا:

- فيه ايه يا جماعة مالكم؟؟

كان صوت وائل نصار.

اتخذت ركنًا وأخرجت سيجارة رحمت أنفث دخانها في انفعال وأنا أراقب ظهور
نصار ومحاولة الرفاق استجوابه .. المنوفي في عصبية:
- إنت كنت فين.

عصمت:

- ممكن نعرف إنت اختفيت إزاي كده؟

أمير:

- أه صحيح عملتها إزاي حركة التابوت دي.

أخبرهم نصار أنه لا يتذكر شيء ولم يفعل شيء أيضًا .. كل ما حدث أنه وجد نفسه
ملقى في بهو الفندق قبل أن تسحبه الأرض إلى هنا .. كان يبدو صادقًا في كلامه .. لكننا
أيضًا صادقون.

احتد عصمت:

- أسف والله الكلام ده مش واكل معانا، في حاجة مريبة إنت عملتها وكلنا شوفناك.

نصار:

- أنا مش شايف أي سبب للثورة دي كلها حد يقنعني أنا عملت إيه.

أمير حسين:

- أنا أقنعتك أنا صورت دخولك واختفاءك في التابوت إتفضل شوف بنفسك.

ثم فتح هاتفه وبحث عن الفيديو .. لحظة وتغيرت معالم وجهه وألقي بالهاتف أرضاً صارخاً:

انحني محمود عياد ليلتقط الهاتف فأمسكه أمير بشدة ليمنعه من مشاهدة الفيديو فتقدمت بسرعة واختطفت الهاتف .. كان الفيديو يظهر كيف كنا ننقاد وراء رجل ضخم الجثة، يرتدي جلاباب أسود ممزق من الأسفل، ويداه مخضبتان بالدماء. ولا وجود لنصار.

قلت بتوتر:

- دي لعبة بايخة .. أكيد حد بيلعب بأعصابنا.

هتفت هبة في عصبية زائدة:

- أه أكيد.

التفتت نحوها .. تذكرت سمر:

- إنتوا سايبين سمر لوحدها؟

تبادلت الفتيات النظر فيما بينهن .. أدركن الآن خطأهن .. بسرعة جميعاً هرعنا

إلى حيث تركوها.

اختفت...

فراغ هائل كان يوجد مكانها .. صاح محسن:

- التهرج والمقالب ما توصلش لكده لو سمر ما ظهرتش أقسم بالله ما هيحصل

طيب.

ما زال يظن أن في الأمر خدعة .. كان مثل شخص ينقاد إلى حبل المشنقة ويظن

أنها مجرد دعاية أو حلم سخييف .. انخرطت سلمى في البكاء قائلة:

- أنا مش عاوزه أموت أنا عاوزه أخرج من هنا والتفت حولها بعض الفتيات

للتخفيف عنها

أمسك محسن في أميرقائلاً:

- إنت اللي إخترت اللعبة البايخة دي وحركة الفيديو عشان تلهبنا وتخفوها أنا

مش هسيبك.

أمير:

- إوعي كده أنا ما عملتش حاجة ومعرفش الفيديو ده جه منين وانعمل إزاي.

محسن:

- يعني مش عارف ما هي واضحة أكيد إنت اللي مبركه عشان تشغلنا عنها.

تدخل المنوفي بينهما:

- إهدى يا محسن سمرواى بنت هنا مسؤوليتي وأنا مش هسيبها وأكيد هتظهرزي

ما وائل ظهرما تقلقش..

وجدت عصمت يستند بظهره على أحد الجدران مفكراً .. اقتربت منه .. سألته:

- رأيك إيه؟

أجاب:

- شوية أحس إنها هزار.. وشوية أحس إنها جد .. مش عارف!!!

استندت بكتفي على الجدار وتهدت قائلاً:

- ربنا يستر

لم أكد أفلها حتى انفتح الجدار الذي نستند عليه ثم سقطنا داخل مكان مظلم

.. مخيف...

قبل أن نحاول الخروج كان الجدار قد عاد إلى مكانه بسرعة رهيبة .. أشعلت

كشاف هاتفي ودرت به في الأرجاء .. اسمع عصمت يقول:

- إيه المكان الغريب.

- تقريباً دي أوضة سرية.

قلتها وأنا أفحص كل شربيعيني .. كنا داخل غرفة قذرة امتلأت بخيوط العنكبوت،
وغطت الأتربة والعفونة كل قطعة أثاث فيها.

كانت هناك رائحة كريهة تتصاعد من كل شبر.. غطيت أنفي بيدي وكذلك فعل
عصمت.

أشار عصمت نحو باب الغرفة الذي كان الصداً يعلو مقبضة.
حاول أن يفتح الباب لكن بلا فائدة.

لمحت ألبوم صور فوق كومودينو بني ينتهي لحقبة ازدهار فن الأرابيسك^(٤) .. ما
لفت نظري إليه أنه كان نظيف خالي من القذارة والأتربة .. هذا الألبوم إلذي ينتهي
إلى تلك الغرفة على نحوٍ أو آخر.

اقترب مني عصمت وقال بالفصحى:

- هذا الألبوم لا ينتهي إلى تلك الغرفة على نحوٍ أو آخر.

التفتت له باستغراب:

- مالك يا عصمت؟

- هه .. أنا قلت إيه؟

كان يبدو أنه قد قالها تحت تأثير قوةٍ ما .. رفعت الألبوم من مكانه ثم فتحت أول
صفحة .. كانت توجد بها رسمة تبدو كرسومات الأطفال .. عبارة عن قلب يخترقه
سهم بالإضافة إلى اسم (فاتن) و(كريم).

(٤) الأرابيسك: من الفنون الأصيلة التي تميزت بها الحضارة العربية الإسلامية، والتي تعود أصولها إلى أكثر
من ألف عام، وهو- في الأصل - صناعة معمارية الطابع تدخل في الأثاث غالباً، وقد برز «فن الأرابيسك»
خلال العقود الأخيرة من القرن التاسع عشر، وبدايات القرن العشرين.

قلبت سريعاً في الألبوم .. كانت كل الصور تضم شاب وسيم وفتاة جميلة،
يبستمان في سعادة أو يحتضنان بعضهما في فرح .. كانت معظم الصورة بالأبيض
والأسود .. قلبت إحدى الصور لأجد أنها تنتمي لعام ١٩٧٠ .. بالتأكيد لو كان هذان
الشابان على قيد الحياة لكانا الآن عواجيز لا يغادران الفراش.
فجأة سمعت صوت يشبه الأنين يأتي من وراء كنبه ضخمة تأكلت كسوتها بفعل
العِثَّة.

تبادلت النظرات القلقة مع عصمت:

- رأيك يا مرعب!!

أجابني وهو يرتجف:

- أنا شايف نمشي .. أكيد لوروحنا هناك هنلاقي وحش منتظرنا وراء الكنبه.

- لا أنا هروح أشوف.

ثم اقتربت من مصدر الصوت .. لمحت قدم صغيرة علقت بها أترية حمراء ..

عصمت يردد من ورائي:

- إرجع يا نادر.. أنا كاتب ١٠٠ موقف زي ده .. هيقفز في وشك وحش وياكلك.

كلما اقتربت كان صوت الأنين يرتفع .. مددت يدي وأزحت الكنبه .. عندها شهبقت

من الفزع...

في تلك الأثناء كان التوتر الشديد قد أصاب الجميع وخاصة بعد اختفائي أنا

وعصمت.

حاول المنوفي أن يعيد الهدوء للجميع لكن الموقف وما حدث كان أكبر منه.

بعد نصف ساعة من شد الأعصاب الرهيب، سمعوا بكاء سمرقادم من مكانٍ

مجهول.

كانت وسط البكاء تتحدث بكلمات وجدوا صعوبة في الإنصات وإن كانت أشبه بتوسل واستغاثة.

تزايد صوت بكاء سمر وتزايد معه اضطراب المجموعة وخاصة محسن الذي امسك بتلابيب أمير مصرًا على أنه المتسبب فيما حدث لها. طلبت منهم هبة الصمت حتى يتعرفوا على المكان الذي يأتي منه الصوت. استجابوا لها بسرعة وأصغوا جيدًا.

كان الصوت يأتي من خلف جدار في الغرفة ولأن الضوء كان شديد الخفوت لم ينتبهوا أنه ليس جدارًا وإنما باب صغير الحجم .. حين اقتربوا منه نادى محسن بلهفة:

- سمر إنتي كويسة؟

أجابت باكية:

- أنا محبوسة هنا.

- هنا فين؟

وتحسس محسن الجدار حتى وصل لمقبض الباب الذي من الواضح عليه أنه شديد القدم ولم يفتح منذ سنوات فقد كان التراب يعلوها مما جعل فتحها شبه مستحيل حاول محسن كثيرًا وحاول المنوفي وأمير وفي النهاية حدثت انفجاجة صغيرة في الباب .. ضرب محسن بصره من خلال الفتحة فرأى سمر داخل غرفة ضيقة وملقاة على الأرض وهي تضم يدها إلى صدرها في زعر. أصابه منظرها هكذا بغصة قوية في قلبه .. حاول أن يبدوا متماسكًا أمامها وقال:

- إنتي كويسة؟ وايه المكان ده ودخلتي هنا إزاي؟

أجابت سمر باكية:

- معرفش أنا فجأة لقيت نفسي هنا.

- معلش هنعاول نخرجك دلوقتي.

استمرت محاولات فتح الباب من أكثر من شخص بلا فائدة لم يتحرك الباب ملي
واحد من مكانه ..

ضاق صدر محسن وعادت سمر للبكاء .. هذة المرة جاء حسن الجندي ثم ضرب
الباب بكتفه بكل قوة ممكنة .. حذا حذو الجندي بقية الرفاق .. ضربة .. ضربتان ..
ثلاثة .. وأخيراً تحطم الباب تحت وطأة الضربات.

هرعوا جميعاً وحملوا سمر .. قالت هبة:

- الحمد لله لقينا سمر .. لسه نادر وعصمت.

قال المنوفي:

- ما تقلقيش على دول .. دول زي الجن.

جن..؟

لا .. لم يكن وراء الكنبة جن أو مخلوق شيطاني .. كانت توجد فتاة جميلة ..
وتحديداً الفتاة التي وجدنا صورتها في الألبوم .. لكن كيف .. من المفترض أن تكون
الآن على الأقل امرأة عجوز أو امرأة ميتة .. ناديت على عصمت أن يأتي ويساعدني في
حملها .. كانت ترتجف بشدة مثل ورقة جافة وقت إعصار .. ملابسها ممزقة .. الدموع
صنعت خطوطاً سوداء مخيفة تحت جفنيها.

وضعناها وسط الغرفة ثم أخرج عصمت زجاجة مياة كان يحتفظ بها .. صببت
بضع قطرات في فمها فارتجفت .. نظرت لي ممتنة ولم تتكلم .. سألتها:

- إنتي مين .. وإيه اللي جايبك هنا؟

أحضر عصمت الألبوم وناولته لها قائلاً:

- إنتي اللي في الصور هنا، ولا مجرد تشابه

أومأت الفتاة برأسها دلالة على أنها من في الصور .. نظرت إلى عصمت بقلق ..

قلق بالغ

فتحت الفتاة فمها لتتحدث .. فجأة سمعنا صوت صرخة .. ومن أحد أركان
الغرفة راحت تهتز بعض الظلال وتتجمع .. لحظات وتشكلت على هنية رجل أسود
مرعب ويرتدي جلباب ممزق.

اتسعت عينا الفتاة ذعرًا .. صاحت برعب:

- جبار

أيًا من كان هذا الجبار فهو بالتأكيد لا ينوي خيرًا .. التفتُ لعصمت وقلت له

بهدوء:

- في قصصك إيه الحل الأفضل للبطل؟

- إجري إجري يا نادرررررر

قالها ثم جرى بأقصى سرعته .. هذا جميل يا عصمت .. وأعتقد أنه حل ممتاز

وعبقري .. غير أنك تناسيت شيء بسيط .. نحن في غرفة مغلقة ولا مكان للهرب.

-٦-

- اليوم الطويل ده مش هيخلص بقي ولا إيه إحنا تعبنا ومحتاجين ننام.
قالتها هبة بتوتر.

نور:

- أنا ما فكرتتش في موضوع النوم ده ومين اللي هيجيله نوم هنا؟

ريم:

- أنا خلاص هنام على روجي من التعب.

سمر:

- أنا لا يمكن أدخل أي أوضة من دول بعد اللي حصلي أنا هنام وأنا واقفة.

المنوفي:

- ثانية واحدة يا جماعة .. مسيووووووخ.

وبدون مقدمات ظهر مسيوخ في المسافة الضيقة بينهم برائحة أنفاسه الكريهة:

- شبيك لبيك .. خدامك بين إيديك.

- يا عم ١٠٠ مرة أقولك إنك شيطان مش عفريت مصباح علاء الدين.

- سوري مان

- سوري مان .. والله أنا من الأول شاكك إنك عفريت تاواني.

مسيوخ:

- لأكدأ أنا زعلت .. أنا إتقمصت خلاص.

هبة:

- بتقول إتقمصت .. والنعمة لوما اتعدلت لآخرم قرنك بالإبرة.

مسيوخ:

- الرحمة يا وحش.

المنوفي:

- المهم أنا عاوزك تستكشفلنا المكان عايزين ننام واعرقلنا لوفي أشباح فعلاً ولا

مفيش

مسيوخ:

- تحب أجييب ليكم كمان (كيش لورين)^(٥)

- هه .. لأمعانا دواء إسهال.

ضرب مسيوخ كفاً بكف قانلاً:

- يخربيت التعليم المجاني.

ثم اختفى فجأة كما ظهر.. التفت المنوفي الى الأعضاء:

- بصوا يا شباب إحنا نسيب البنات هنا ونخرج من الأوضة دي ندور على أماكن

صالحة للنوم ونحاول نوضيها ونقسم نفسنا مجموعتين البنات في مكان والشباب في

مكان

محسن:

- هي فكرة كويسة بس أنا ما أقدرش أسيب سمر لوحدها بعد اللي حصل أنا

هتقعد جنبها هنا وهي تنام على أي كرسي من دول.

(٥) كيش لورين: نوع من انواع المعجنات الفرنسية

هبة:

- خلاص إحنا نقسم القاعة ونعمل ساترين الشباب والبنات.

وتحرك الشباب لعمل اللازم بينما وقفت الفتيات في الانتظار .. همت هبة

بالخروج من حجرة الطعام فجاءها صوت ريم:

- خديني معاكي أنا كمان هموت وأنام ومش هقدر أستنى.

خرجتا من غرفة الطعام ليجدوا ما يشبه طرقة طويلة في نهايتها بابان أحدهما

مغلق والأخر به فرجة خفيفة تكشف عن ظلام دامس بداخلها.

هبة:

- الأبواب هنا ثقيلة وصعبة إحنا نشوف باب يكون مفتوح.

ريم:

- عندك حق.

وسارتا في الطريق للباب تلفحهم نسيمات هواء باردة محملة برائحة عطنة حتى

وصلتا إلى غرفة باهما مفتوح عن آخره ويخرج منها الظلام مثل كائن أسطوري مخيف

.. دخلت ريم تتبعها هبة وإذا بها تصرخ:

- عفريت عفريت!!!

هبة:

- إهدي إهدي

ريم بأنفاس متقطعة وجسد مرتعد:

- شوفته شوفته عينيه منورة في الضلمة وسنانه بيضة وابتسملي.

هبة:

- هوفي عفريت بيبتسم انتي كمان؟

ثم صاحت بصوت جهوري:

- مين هنا

لحظة وخرج من وسط الظلام شبح طويل القامة راح يقصر كلما اقترب من الضوء، قبل أن يقول:

- مش ممكن ما كنتش أعرف إنك خوافة كده يا ريم.

هبة في ارتياح:

- هو إنت!!!

ريم:

- يجيلك ويحط عليك يا عمريا عودة.

اصطحبت ريم وهبة، عمرو إلى بقية المجموعة .. استقبله الجميع بحفاوة بالغة .. تحدث عودة وأخبرهم أنه جاء متأخرًا نظرًا لظروف عمله .. سأله المنوفي باهتمام:

- إنت دخلت إزاي؟

- عادي زقيت باب العمارة ودخلت.

قال المنوفي وقد بدأ يفهم:

- امممم .. تقريبًا في حاجة بتمنعنا نخرج، لكنها بتسيب اللي عاوز يدخل.

عودة:

- حاجة إيه .. انتي بتؤمني بالجن والأشباح .. وبعدين إيه جو الضلمة ده .. ما

تولعوا النور.

- ما تولعوا النور طيب.

ريم وهي تحرك كشاف موبايلها:

- يخربيت عسل ظرافة سنينك هو معقول يا بني آدم يكون في هنا نور؟

عودة في برود:

- العقل بيقول نجرب.

هبة:

- والله عنده حق طيب فين فيش الكهربا؟

عودة:

- ندور.

وأخرج عودة عودةً من الثقب أشعله وبدأ البحث عن مفتاح للنور .. بالصدفة
عشر على سكينه الكهربا وهي على وضع الإغلاق .. ثم وبكل قوة رفعها إلى الأعلى ..
تطايرت منها شرارة زرقاء ثم دوت فرقعة مكتومة لتعود الأنوار من جديد.
وهنا تنفس الجميع الصعداء .. لكن قبل أن تهدأ الأعصاب دوت صرخة عالية ..
أو تحديداً صرختان .. صاح المنوفي بقلق:

- ده صوت صراخ نادر وعصمت.

أثناء ذلك كان جبار يقترب مني ببطء وهو على يقين بأننا صرنا فريسة سهلة.
أعتقد أنني يمكن أن أعطيه لكمة خطافية ساحقة قبل أن يقتلني .. عصمت
توقف عن الركض ووقف بجواري وقد أدرك أن الخيار الأفضل أن نتحد سوياً ونقاتل
أياً ما كان هذا الكائن .. التفتت لعصمت:

- زهقت من الجري؟

- لأ تعبت وحياتك .. ما بقاش عندي نفسي.

راح جبار يقترب منا .. كلما اقترب كانت ملامحه تزداد بشاعة .. يمكنني أن أميز
بشرته الزرقاء وعيناه المشقوقه بالطول مثل عين ثعبان سام .. فكرت أن قتاله أمر
مستحيل .. فكرت أيضاً أن أقوم بإلقاء عصمت له .. أعلم أنها ندالة لكن لا تنسوا أنه
أخذ مني كيس البرتقال.

حين أوشكت أن أنفذ خطي، أضيئت الأنوار فجأة .. صرخ جبار من الألم ثم تموج جسده للحظات واختفى .. قلت لعصمت وأنا أتعاون معه على حمل فاتن:

- أنا كنت مستعد أضحى بحياتي عشانك يا عصمت.

- ونعم الصاحب إنت يا نادر.

قالها في اللحظة التي سمعنا فيها صرير مفصلات معدنية قبل أن يتحرك الجدار من مكانه مرة أخرى.

انتهزناها فرصة وقفزنا عائدين.

أصاب الذهول وجوه الجميع حين وجدونا .. أصابهم الدهشة أيضاً حين لمحو فاتن .. بعد الاطمئنان علينا وكثير من (إنت عامل .. كنتم فين) اقترب تيام يسأل:

- مين الأمورة دي يا برنس؟

حدجته نور بنظرة نارية بينما أجبته:

- كل اللي أعرفه إن اسمها فاتن .. غير كدا هي ساكتة ما بتتكلمش

صرخت فجأة فاتن صرخة عالية أصابت الجميع بالخوف، فاستطردت بسرعة:

- وبتصوت كمان.

لم ينجح الضوء الذي وجده عمر عودة في توفير إضاءة جيدة للمكان فقط إلا أنه أعطانا أيضاً بعض الراحة والجرأة في الحركة.

اقترح عمرو المنوفي أن يتحرك الشباب للأدوار العليا للعثور على مكان يصلح للنوم قائلاً:

- ثانية، إحنا نطلع ندور مش معقول نفضل محبوبسين كلنا هنا حتى لو لقينا أوضتين ينفعوا يبقى كويس

أجابه أمير حسين بامتعاض:

- نعم بقى يعني إيه العدد ده كله ينام في أوضتين لأ معلىش أنا هدور على أوضة لوحدى أنا أصلاً مش مقتنع بحكاية الأشباح دي.

المنوفى:

- والله زي ما تحب يا إخوانا اللي شايف نفسه مش خايف يتحرك ويقدر ينام في أوضة لوحدى العمارة واسعة وفيها أوض كتير.

تذكرت قانون مورفي^(٦) الذي يقول أن كل حل يخلق مشكلة جديدة .. الآن صار علينا أن نفترق

وهنا بدأت الأنوار التي اضاءها عودة في الارتعاش والتذبذب مما أدى إلى موجة من التوتروالقلق

قال عصمت محاولاً تهدئتهم:

-عادي يا جماعة إن الأنوار تتهزدي عمارة قديمة وطبيعي إن الأسلاك تكون دايبة من الإهمال والفيران اللتي

عودة:

- فعلاً تفسير منطقي ما هو مش معقول كل حاجة تحصل كده تتوتروا وتفكروا في العفاريت.

تبادلت النظر مع عصمت .. وددت أن أخبرهم عن جبار لكنه أشار لي بالصمت.

لحظة وارتعشت الأنوار من جديد ثم غرقنا من جديد في الظلام.

(٦) قانون مورفي: هو مجموعة من الأمثال الشعبية معظمها كوميدى، منتشرة في الثقافة الغربية على نطاق واسع. من بينها على سبيل المثال، الفوضى تريح دائماً لأنها أكثر تنظيماً. لو سار كل شيء على ما يرام فأنت لم تلحظ الخطأ فقط. من سوء الحظ أن تكون متسائماً.

قام عودة بمحاولة أخرى واستطاع أن يعيد النور حيث نقف بينما ظلت بقية العمارة غارقة في الظلام.

تركنا أمير حسين وصعد للدور الأعلى مسترشداً بالضوء الصادر من هاتفه.

وصل إلى ما يبدو أنه شقتان إحداهما بالقرب من السلم والأخرى في نهاية ممر مؤدي لسلم أخريوصل للدور الأعلى.

اختار أمير أقرب البابين إليه .. مد يده ودفعه، فاستجاب له بسهولة ثم استجمع شجاعته ودخل...

كان الظلام في الداخل شديد .. شعر لوهلة أن الظلام في هذه البناية أنواع وطبقات تختلف من مكانٍ لآخر.

كانت هناك رائحة عطنة محملة بسنوات من الإغلاق والنسيان جعلته غير قادر على التنفس.

تحامل على نفسه وسار خطوات للداخل يتحسس خطواته باحثاً عن مفتاح الكهرباء.

طقطقت الأرض المكسوة بالخشب تحت وقع خطوات أمير حيث لم تطأها قدم منذ سنوات بعيدة.

راح يتحسس الحائط مرة أخرى باحثاً عن مفتاح الإضاءة .. لامست يده شيء ما سقط على الأرض وأثار زوبعة من التراب الناعم أدخلته في نوبة من السعال والعطس حتى دمعت عيناه.

حاول أن يكمل تحركه لكنه تعثر في شيء آخر على الأرض فسقط على وجهه بقسوة لتمتلئ رنتيه بالغبار .. للحظة ضاعت أنفاسه وكاد أن يختنق .. سمع صوت خطوات أقدام تقترب منه .. استند على ركبتيه ونهض بصعوبة.

كان يتوقع أن القادم أحد الأعضاء .. رفع كشاف هاتفه في اتجاه صاحب الخطوات.

كانت الروية عند أمير مشوهة نتيجة ما علق في عينيه من أتربة .. مَيَّز بصعوبة شخص لم يره من قبل .. كان مظهره غريبًا جدًا .. يقترب من الخمسينيات في العمر، شعره أبيض بالكامل، يرتدي جلباب قذر، وحافي القدمين.

تطلع أمير إليه قبل أن يقول في ضيق ظنًّا منه أنه أحد المتشردين الذين يعيشون في العمائر المهجورة:

- نعم؟؟؟

قال الرجل بلغة أهل الريف:

- أني سمعت كركبة قولت آجي أشوف حضرتك وأشوف يمكن محتاج مساعدة ولا حاجة.

أمير:

- أيوة يعني إنت مين يعني؟؟

الرجل:

- خدامك حسني يا باشا تؤمرشي بأي أوامر أي خدمة؟!

تطلع إليه أمير في ضيق ثم تذكر الغبار الكثيف:

- أيوه ممكن تبجي تنضف الشقة شوية أو على الأقل أوضة عشان أعرف أنا.

الرجل:

- من عيني يا باشا تؤمرني

ودخل الرجل الغريب الى الداخل محدثًا ضجة شديدة الغباء متخبطًا في كل شيء مثيّرًا لجبال من الغبار حتى أن أمير ندم على دعوته للدخول وما زاد من معاناة أمير أن الرجل كثير الكلام لرج الأسلوب.

- إلا انت يا باشا أول مرة تدخل هنا؟

- أيوة

- وليه كده مش خسارة شبابك؟

- ماله شبابي يا عم إنت!!

- إهي يعني حضرتك ما تعرفش!

- لا يا سيدي معرفش.

- يا ما شباب زيك كده راحو من الجهل الله يسامحه بقى.

- هو مين الجهل؟

- لأ يا بيه قصدي على جبار.

- مين جبار؟؟

- بقولك جبار.. هو فيه حد ما يعرفش جبار؟؟!

- ماله يعني؟

- مالهوش يا بيه ربنا يستر.

- طيب من فضلك اشتغل وانت ساكت أنا مصدع.

عاد الرجل للعمل أو التظاهر بالعمل بينما هو لا يفعل إلا تحريك الغبار.

وكاد أمير يصرخ غضبًا من غباء الرجل عندما دهس حقيبته أثناء تحركاته الغبية

ولكنه تمالك أعصابه واستجمع جملة تأخرت كثيرًا في الخروج:

- من فضلك كفاية كده مش عايزك تنضف حاجة.

وقف الرجل في بلاهة لا يرد ولا يتحرك من مكانه بينما وصل أمير لقمة غضبه

قائلًا:

- من فضلك أخرج بره مش عايزك تنضف حاجة.

مازال الرجل واقفًا بمكانه صامتًا مبتسمًا ابتسامة كريمة.

تقدم أمير ناحية الرجل وهو ينتوي أن يصفعه وصرخ في وجهه:

- أنا بقولك برة.

أجاب الرجل بحروف يقطر منها الجليد:

- بس إحنا برة يا باشا إحنا واقفين عالسلم من ساعة.

ارتعد أمير من الغضب وأخرج هاتفه لينظر على ضوءه أين يقف وبالفعل وجد باب الشقة مغلقًا وحقيبته ملقاة بجواره على السلم حتى أن الشيء الذي اصطدمت به يده في أول الأمر وسقط وتدحرج ماهو إلا إحدي أصص الزرع النحاسية التي توضع على مداخل البيوت.

جن جنون أمير وصاح مختنقًا:

- مش ممكن أنا فاتح الباب بنفسي وقافله بنفسي وصوت الخبط وفتحلك والنور اللي ولعته لا يمكن يكون ده كله بيتهالي.

الرجل:

- سلامتك يا باشا مفيش حاجة من ده كله.

أمير صارخًا:

- لا يمكن لا يمكن

وأمسك حقيبته ودار بعصبية فتعثر في السلم القريب من الباب وتدحرج فوق درجات السلم بعنف .. ثم فقد الوعي...

كنت أحاول الحديث مع فاتن حين سمعت صوت سقوط أمير.. لم أكن أعلم أنه هو.. فقط ظننت أن العمارة ستهاربنا نتيجة الضجة الشديدة التي حدثت.. أيضًا تحركت الأتربة الراقدة منذ عقود على درجات السلم فيما يشبه زوبعة صغيرة ولكنها كانت كفيلة بإلقاء الرعب في نفوسنا جميعًا.

كان الوضع مأساوي بالنسبة للبنات انهارت قواهن فمن كانت تتصنع التماسك صرخت مرتعبة، وهناك من دخلت في نوبة هيسستيريا من البكاء وساد جو من الضوضاء المرعبة.

زاد الرعب حين شاهدنا اقتراب شبحين بنفس الطول والحجم يسيران متجاورين تجاههم وكلما اقترب الظلين ارتفعت صرخات البنات.

قمت بتشكيل سلسلة بشرية مع بقية الشباب أمام البنات لندافع عنهن إذا ما لزم الأمر.. أعلم أن من الأفضل أن نتبادل الأدوار كون الفتيات أقوى منا لكن لا بأس من بعض التضحية التي سينساها التاريخ.. التصقت فاتن بظهري تبغي الحماية.. كم أنا رجل شجاع.. تمنيت لو شاهدتني أمي الآن.

مع توالي صرخات البنات أسرع خطوات الشبحين أكثر وأكثر حتى تبينت ملامحهم على الضوء الخافت.. لم يكونوا سوى وائل نصار وياسين سعيد، لكن الضوء الخافت والظلال المرتعشة والضوضاء والتوتر كل هذا صور لنا أنهما شبحين مع ملاحظة أن وجود نصار في حد ذاته أصبح أمرًا مزعجًا.. كما أنني ولأول الألاحظ أن نصار اختفى مرة أخرى.. كما أنني ولأول مرة أيضًا الألاحظ وجود ياسين.

توجهت هبة في غضب لنصاروياسين قائلة:

- جري إيه يا جماعة إنتوا الإثنين تحركاتكم المريبة دي بتوترنا ما تتحركو عادي زي الناس مش معقول يعني جو الساسبنس ده واحد يستخي في الضلمة وواحد يدخل في الحيلة ويرجع يقول ما حصلش دي تصرفات مش مقبولة في الظروف اللي إحنا فيها دي.

نصاربعصيبة:

- والله إحنا سمعنا دوشة وصوت حد بيقع جينا نتطمئن ومش مشكلتي إنكم بتتخيلوا حاجات غريبة.

هبة:

- بتتخيل يعني إيه ما هو لو واحد أو إثنين اللي شافوك وانت بتدخل لتابوت كنا قولنا خيال لكن كلنا شوفناك يا أستاذ.

نصار:

- والله أعصابكم المهزوزة دي هي اللي بتصورلكم الكلام ده وبرضو دي مش مشكلتي ومش من حق حد يقيد تحركاتي.

هبة:

- لا والله معلش بقي إنتوا متعمدين تخوفونا طيب ما الباقيين بيتحركوا عادي ومحدث بيخاف.

قال ياسين محاولاً تهدئة الموقف:

- خلاص يا وائل معلش يا هبة إحنا أسفين هنعاول ناخذ بالننا بعد كده بس لو سمحتوا كل واحد يخلي باله من إحساس الثاني.

ابتسمت له قائلاً:

كان وائل يرى من خلال فرجة الباب فتاة على أروع ما يكون من الجمال .. كانت ترتدي غلالة بيضاء زادت من جمالها وجعلت سواد شعرها كأنما هو الليل في نيله .. كانت تجلس أمام لوحة ترسمها بأنامل دقيقة وهي تدندن بلحن موسيقي حزين. شعروائل أن روحه خرجت من جسده وحلقت بعيداً داخل لوحة هذه الفتاة. التفتت نحوه الفتاة ثم ابتسمت...

تجراً على التقدم أكثر فإذا بها تمد يدها له .. استجمع شتات عقله وسألها وهو يبتلع ريقه بصعوبة:

- إنتي إيه؟؟

- أنا درة.

- عندك حق إنتي ما تنفعيش تبقي حاجة غير درة غالية.

ضحكت في جزل قائلة:

- إتأخرت ليه؟؟

- آسف ما كنتش أعرف إنك منتظراني.

- هتفضل معايا؟

- أكيد.

- مش هتمشي زهم؟

- هما مين؟؟

أشارت بإصبعها للحائط قائلة دول.

التفت نصار لينظر للحائط .. شعرييد باردة تقبض على عنقه من الخلف و... وسقط مغشياً عليه.

- امممم .. إجابة منطقية برضو.

لم أكد أنطقها حتى فتح الباب .. التفت إلى وائل باستغراب .. عدت أقول

- إجابة منطقية برضو

أغلق الباب مرة أخرى .. قال وائل:

- ده إيه الباب ده .. شكله متاخذ من مغارة على بابا.

عدت أردد الكلمة وانتظرنا فتح الباب ثم خرجنا.

وكانت المفاجأة.

شبهق وائل .. وكذلك أنا .. لم أتمالك نفسي من الصدمة حين نظرت من حولي.

من ورائي كان يتوالى خروج الباقون الذين راحت تتنوع ردود أفعالهم ما بين بكاء أو ذهول.

تلفتُ حول نفسي في كل اتجاه .. لم نكن في الإسكندرية .. لم نكن في شارع رشدي .. لم نكن حتى في أي مكان على الأرض.

العمارة ونحن كنا نقف وسط أرض جرداء تشققت من فعل الجفاف وتمتد إلى ما لانهاية.

على يساري لمحت قرص القمر وهو معلق في السماء .. كان لونه أحمر دموي مخيف .

- إحنا فين؟

قالتها نور بخوف وهي تمسك يد تيام.

- إحنا في نقطة التقاء عالم الأحياء بعالم الجن والأموات.

أجابها حسن الجندي ثم أخرج سيجارة وأشعلها وراح يراقب دخانها وهو يتصاعد

إلى أعلى .. وأعلى

- ألو .. أيوه يا باشا .. تمام .. أنا وصلت المكان .. فعلاً العمارة مش موجودة في مكانها .. مكانها فاضي .. ما تقلقش سعادتك .. اللازم هعمله .. شكراً معاليك.
- أنهى الأسطورة مكالمته ثم وضع الهاتف وعاد ينظر إلى مكان العمارة الفارغ...
كانت عربات الشرطة تملأ المكان وتمنع الأهالي من الاقتراب بينما تم فرض كردون أممي قوي حول المنطقة.
- مكان العمارة نفسه تمت إحاطته بسور من العلامات الحمراء.
- اقترب العسكري من الأسطورة الذي راح يمسح ذقنه وهو ينظر إلى المكان الفارغ مفكراً:
- سيادتك عثرنا على تنين مجنح كان واقف في الشارع اللي ورانا.
- كان معاه رخصة طيران؟
- لأ سعادتك.
- تمام .. وديه للجزار اللي وراء القسم وقوله يعمل زلومته طاجن بالبامية.
- ده تنين مجنح سعادتك .. مالوش زلومة.
- امممم .. طيب مالقتش معاه بيضة؟ .. بيقولوا بيض الديناصورت حلوقوي بالسمن البلدي.
- بصراحة مخدتش بالي يا باشا.

- أقولك حاجة .. خلى الجزاريعملي منه رغيفين حواشي حلوين.

- أمرك يا صاحب السعادة.

وهرع العسكري لينفذ الأمر بينما اخترق الأسطورة العلامات حتى وصل إلى مكان العمارة الفارغ ثم وقف في المنتصف تمامًا، الغريب أنه شعر أن هذا المكان أكثر برودة مما حوله .. أمسك هاتفه ليجري اتصال فوجد شاشته قد اسودّت وتوقف عن العمل .. رفع يده ليرى كم الساعة .. وجد أن العقارب قد تجمدت في مكانها وكأنما الزمن قد توقف.

كان لوقع كلمة حسن الجندي رهبة قوية .. نحن في نقطة التقاء عالم الأحياء بعالم الجن والأموات .. بعبارة أخرى نحن في منطقة محايدة أشبه بخط السنتر عند بداية مباراة لكرة القدم.

أعتقد أننا إذا ما تناسينا أنه لا توجد وسيلة لعودتنا إلى عالمنا، ولا يوجد معنا طعام أو شراب كافي، وأن هناك أشباح تطاردنا، فنحن بخير ولا يوجد شيء لنقلق بشأنه.

أرى فاتن تصل إلينا متأخرة .. لا يبدو عليها الدهشة أو الخوف .. جلست على الأرض واتخذت وضع القرفصاء .. أرى كذلك عمرو مرزوق يأتي مسرعًا قبل أن يتسمر في مكانه حين علم ما نحن فيه .. كان هناك جرح سطحي في جبهته وكثير من الأتربة العالقة في ملابسه .. أعتقد أنه تعثر أثناء جريه.

اقترحت أن نعود للداخل .. أراه الحل الأمثل .. نحن مصابون بالتعب والإرهاق .. ربما بعض الراحة ستساعدنا على التفكير واستعادة النشاط.

وافقوني جميعًا وكانهم كانوا يفكرون فيما أفكر فيه.

عدنا للداخل بخطوات بطئية ملئية باليأس والحيرة.

ساعدت فاتن على الوقوف واصطحبتها معي .. من الأفضل أن نظل جميعًا سويًا.

عدنا إلى القاعة وتجمعت الفتيات في أحد الأركان بينما اتخذ الشباب ركنًا آخر.
مرت الليلة شديدة الطول قضيناها ما بين توتر وشعور بالندم على هذه الرحلة
المتهورة.

بعد ساعات قليلة وتحديداً أربع ساعات بدأنا في الاستيقاظ الواحد تلو الآخر.
نظرت من نافذة قريبة .. ما زال القمر الدموي معلقاً في السماء الرمادية .. وفقاً
لساعتي فمن المفترض أن يكون هذا وقت شروق الشمس.
ووفقاً لساعتي أيضاً فنحن قضينا عشرين ساعة في تلك البناية .. من حسن
الحظ أن أعيننا بدأت تعتاد على الإضاءة الضعيفة والرؤية في الظلام.
صارت الحركة الى حياً ما أسهل غير أننا لا نعرف شكلاً محدداً لهذه البناية.
كانت الغرف التي ندخلها، ثم نخرج منها تختفي، ولا يمكن العودة لها مرة أخرى
.. لا أحد يعرف إن كان هذا تأثير هذه المنطقة أم أن الأموات والأشباح يتلاعبون بنا.
كل هذه الأحداث جعلت عمرو المنوفي يدرك أنه لا مفر من مواجهة الأمر مع باقي
الأعضاء، وأنه لا بد من الصمود أمام الأحداث الغامضة والغريبة حتى يحين وقت
العودة الذي لا يعرفه أحد .. أشار لي بأن آتي لأقف بجواره وكذلك فعل عصمت ثم
قال بصوت عالٍ:

- عايز أتكلّم معاكم شوية من فضلكم ياريت اللي سامعي يتفضل هنا.
- وانتظر للحظات إلى أن تجمع جميع الموجودون وعاد يكمل حديثه قائلاً لهم:
- هو إتنو فكرتكم إيه عن مؤلفين أدب الرعب؟
حسن دارك:
- يعني ناس مش بيخافوا من أي حاجة.
- ريم:
- بحس إن عندهم أفكار سودا

هبة علي:

- عادي أدباء عاديين ميولهم ممكن تكون غريبة بس ناس عاديين.

المنوفي:

- طيب بصوا يا جماعة كاتب الرعب ده إنسان عادي جدًا يعني مش بالضرورة يكون شجاع ولا خارق ولا أي كلام من ده بالعكس ده ممكن يكون خواف أكثر من أي حد فيكم وبيكتب خوفه وتخيلاته اللي راعباه على الورق.

دعاء في فزع:

- يعني إيه يعني إنت مش هتقدر تحميننا يعني كنت بتضحك علينا؟

المنوفي:

- مش ده اللي أقصده، بس أنا شايف إنكم متوقعين مننا حاجات عظيمة، وإحنا مش سحرة يا جماعة كل اللي أقدر أقوله إني في حدود قدراتي كإنسان عادي أدافع عن اللي معايا لكن لوفى حاجة خارج قدراتي يبقى تسامحوني.

عصمت:

- عاوز كمان أضيف حاجة يعني حتى لو إحنا ناس جامدين وسحرة ومرعيبين بجد مش هتقدر نغير القدر، يعني واحد قدره يموت هيموت واحد قدره يتاكل هيتاكل.

صرخت واحدة من الأعضاء بدعر:

- قصدك إن إحنا كلنا هنتاكل؟ .. اااااااااا، كلنا هنموت .. اااااااااا.

ثم فقدت الوعي.

جميل يا عصمت، لم أكن أعلم أن لديك كل تلك القدرة على إثارة الفزع.

التفت المنوفي إلى عصمت بلوم:

- يا عم إنت بترعهم ليه؟

عصمت:

- هما مرعوبين جاهزين

قطع حديثهم محمود عياد قائلاً:

- المهم دلوقت يا جماعة أمير حسين أنا مش لاقية من امبارح ومحدث شافه؟

محسن:

- يعني إيه مش لاقية؟؟

عياد:

- إمبارح بعد الدوشة والتراب اللي كانو على السلم كنا فاكرين إن هو اللي وقع بس
محدث شافه عالسلم ولا ظهر في المكان اللي نمنا فيه.

محسن:

- هو مش قال طالع ينام فوق لوحده

عياد:

- يبقي مفروض كان نزل من بدري, حد يتصل بيه.

محسن:

- نتصل ايه مانت عارف التليفونات هنا زي قلتها

قرر عياد أن يذهب للبحث عن أمير حسين .. تطوع للمساعدة محسن .. تمنيت لو
كان لي أصدقاء مخلصين مثلهم .. نظرت إلى فاتن وقد تجمدت ملامحها .. وأنت يا فتاة
ما قصبتك .. أعتقد أنك برئية من كل ما يحدث .. ولئن كنت مخطئاً فلتلعي السماء أو
فليفز الزمالك على الأهل في نهائي كأس مصر بهدفين لباسم مرسي.

صعد محسن وعباد للدور التالي .. للأسف لم يجدوا أي شيء يدل على وجود أمير
أو أي شخص آخر فلا أثار أقدام ولا باب مفتوح .. لفت انتباههم غرفة مغلقة يأتي منها
صوت أغنية شعبية:

اه لولعبت يا زهرو اتبدلت الاحوال

وركبت أول موجة في سكة الأموال

ابتسم عياد:

- بعشق أم الغنية الكئيبة دي.

اقترب الاثنان من الغرفة ثم دق محسن بابها .. بعد قليل توقفت الأغنية عن
العمل ثم سمعوا أصوات أقدام تقترب من الباب.

لحظة وفتح الباب ليظهر من ورائه رجل، أبيض الشعر، متسخ الثياب، كربه

الرائحة، وحافي القدمين.

الرجل:

- نعم.

محسن:

- لو سمحت بنسأل عن صاحبنا.

الرجل:

- مش واخذ بالي.

محسن:

- في شاب طلع هنا امبارح عاوزين نسأل عنه.

الرجل:

- محدش طلع ولا نزل.

وأغلق الباب في وجه محسن بحركة عنيفة .. التفت محسن لعياد الذي كان يقف

صامتًا:

- محدش قال يعني إن العمارة فيها سكان.

عياد:

- سكان إيه .. ده شكله شبح.

محسن:

- شبح .. وبتقولها كدا عادي؟

- بس شكله شبح كان واخد مقلب وهو عايش، وأخد مقلب وهو ميت.

- انت هتهزر؟

- بتكلم جد .. طيب لو هو شبح والزهر لعب هيبقى إيه .. زومي مثلاً؟

عاد محسن يطرق الباب من جديد .. خرج الرجل حائناً هذه المرة:

- خير .. إنتوا كدا هتعطلوني .. أنا كنت لسه جاي أنتحرج.

قال عياد:

- ولا يهملك يا كبير .. كمل .. بس حاول تفتكر إذا كنت شوفت حد صاحبنا.

- طيب ادخلوا

ثم أفسح لهم المجال للدخول .. تلفت محسن حول نفسه .. كانت غرفة شبه

خالية من الاثاث .. كان يوجد حبل يتدلى من السقف على هنية مشنقة، وتحتها

مباشرة كرسي خشبي متهالك .. وقف الرجل على الكرسي ثم أحاط عنقه بالمشنقة

وأشار لمحسن:

- قوللي كدا أوصاف صاحبك، يمكن يكون مرعليا.

ابتلع محسن ريقة وقال بارتباك:

- هو .. هو طويل حبتين .. وقصير حبتين .. تخين .. رفيع .. و.. و..

أحكم الرجل المشنقة حول عنقه ثم جذب الحبل ليتأكد من قوتها وعاد يشير

لمحسن:

- كمل يا برنس .. كمل.

لكن محسن لم يفتح فاهه .. ثم هوووووب .. ركل الرجل الكرسي الذي كان يقف عليه .. فسمع عياد ومحسن صوت تحطم فقرات عنقه وهو يتدلى من حبل المشنقة.
تبادل عياد ومحسن النظرات المذعورة .. عادا ينظران للرجل الذي انتحر .. لسانه كان يتدلى خارج فمه على نحو بشع بينما عيناه جاحظتان.

- ده قتل نفسه!!!

قالها محسن مذعور .. رد عياد:

- مالناش دعوة يللا نخرج من هنا.

ثم توجه كلاهما نحو باب الغرفة بذعر .. فجأة سمعا صوت الرجل الذي انتحر يقول بصوت مبسوح:

- اقفلوا الباب وراكم.

- عا!!!!!!!!!!!!!!!!!!!!

حين تأخر محسن وعياد قررت أن أذهب مع المنوفي للبحث عنهما .. بعد نصف ساعة عثرنا عليهما يختبئان داخل إحدى الغرف .. حكوا لنا حكاية لا يمكن تصديقها، وتدور حول شخص يهوى الانتحار وهو يستمع إلى أغنية أه لولعبت يا زهر.

أعتقد أن هذا من تأثير الهواء الفاسد الموجود في العمارة، ولئن كنت مخطئاً فلتلعي السماء أو فليفز الزمالك على الأهلى في نهائي كأس مصر للمرة الثانية على التوالي وبثلاثة أهداف مقابل هدف واحد.

أثناء عودتنا واقتربنا من مكان بقية الرفاق سمعنا أصوات دهشه وصرخات وبكاء .. أسرعنا لمعرفة ماذا حدث .. كانت هناك جمل تصل إلينا كالتالي:

- إزاي حصله كده ده كان لسة واقف معنا وبيتكلم؟؟

- المنظر بشع أوى يا جماعة؟

- مين اللى ممكن يعمل فيه كده ده إنسان طيب أوى؟

صاح محسن متسائلاً:

- هو فيه إيه؟؟ مين ده؟

سمر باكيه:

- حسن!

محسن:

- ماله حسن؟

هيه:

- حسن لقينا راسه مفصولة عن جسمه فى الحمام!!!

محسن:

- لا يمكن!! أكيد بيتهيا لكم زى حاجات كتير بتحصل هنا.

سمر:

- ياريت.

عياد:

- طيب هو فين؟

أشارت باكية إلى الباب الذى تختبئ خلفه جثة حسن...

توجه عياد حيث أشارت ليجد جثته بدون رأس.

خرج عياد ووجه إليهم حديثه فى عصبية:

- وإش عرفكم إن ده حسن؟؟ مفيش راس جايز يكون أى حاجة من المكان الغريب

ده.

عصمت:

- مفيش راس يعنى إيه؟؟ إحنا لسه شايفينه؟

عياد:

- إدخال شوف بنفسك

دخل عصمت ليفاجئ بأنها جثة بلا رأس.

غلبت الحيرة والحزن على الجميع .. كانت هناك الكثير من الأحاديث الجانبية التي

راحت تدور .. فاطمة ماضى ودعاء غنيم سألوا نصار:

- تفتكر مين اللى ليه مصلحة في قتل حسن؟

نصار في برود مقيت:

- أنا ماليش دعوة مين اللى قتله وقتله ليه أنا بس شايل هم البنات ودوشة

العياط والصريخ بجد حاجة لا تحتمل.

فاطمه متعجبة:

- هو ده بس اللى مضايك؟؟ طيب وبالنسبة للراجل اللى مات؟

نصار مستمراً في بروده:

- وإيه المشكلة يعنى ما كل يوم فيه حد هيموت؟

فاطمه في تعجب:

- كل يوم؟؟؟؟؟؟؟ طب وانت مش خايف؟

برزت أنياب نصار في ابتسامة مخيفة قائلاً:

- أه طبعاً خايف.

ثم أكمل بشراسة:

- خايف الضحايا يخلصوا .

وضحك ضحكة أصابت فاطمة بالغثيان.

على الناحية الأخرى انزوى عصمت هامسًا للمنوفي:

- إنت بتفكر في اللي أنا بفكر فيه؟

المنوفي في دهشة:

- مسيوخ!!!!

عصمت:

- لالالا ما يعملهاش أوكان على الأقل قالنا.

- شبيك لبيك خدامك بين إيديك.

دوت تلك الجملة المعهودة ليظهر بعدها مسيوخ في المسافة الضيقة بينهم .. ثم

أردف بذعر:

- عليا الطلاق ما دوقته.

عصمت:

- يبقى على الأقل تعرفلنا حصله إيه؟

مسيوخ:

- وهعرف منين يا عم انت؟ أنا جنى أه بس معرفش الغيب.

عصمت:

- طب غيب عن وشى علشان مش طايقك.

على جانب آخر كان محسن يتحدث إلى هبه ونور:

- تفتكروا في علاقة بين اختفاء أميروالجثة دى وظهور فاتن؟

هبه:

- قصدك ايه؟

محسن:

- أنا شاكك في فاتن من ساعة ما ظهرت .. وما تنسوش إن دي الغربية اللي بيننا.

نظرت نور إلى فاتن من بعيد ثم نفت برأسها قائلة:

- لأ .. مستحيل .. دا شكلها كيوت خالص .. بص مرة أنا وجدتي كنا.

قاطعها محسن:

- أبوس إيدك بلاش حكايات جدتك .. خلينا نبقى نقرأها الكتاب الجاي

تمتت نور بعبارة غاضبة بينما عاد محسن يقول وهو يشير على فاتن التي كانت

تستند على الحائط بظهرها:

- أنا متأكد إن فيه (سركبير) وراها.

في تلك اللحظة تحركت فاتن من مكانها ليظهر وراءها جملة (سركبير) مكتوبة

على الحائط وكانت تخفيها بجسدها.

في مكان آخر أفاق أمير من سكوته ليجد نفسه في قاعة واسعة جدًا تمتلئ بالأعمدة ولها سقف على شكل نصف دائرة .. الغريب أن القاعة كانت خالية من الأبواب والنوافذ .. مكان مصمت ومخيف.

استغرق الأمر من أمير نصف ساعة كاملة حتى استطاع أن يتمالك نفسه ويبدأ في التفكير المنطقي.

حاول النهوض فشعر ب ألم مبرح في ساقه التي يبدو أنها كسرت أو تضررت من أثر السقوط.

ضاق صدره جدًا وضرب الأرض بكفه في عصبية فظهر ضوء من مكان مجهول. جال أمير ببصره ليجد أن النور يأتي من فرجة في السقف ولا بد أن هذه الفرجة حدثت ك أثر جانبي للدقة التي دقها على الأرض.

دق الأرض مرة أخرى علّ الفرجة تتسع ولسوء حظه أغلقت الفرجة وذهب الضوء فتمدد أمير على الأرض في يأس .. شديد...

تطوع بعض الأفراد في الذهاب للبحث عن أمير .. توجهت أنا لعصمت الذي كان يحدث المنوفي في عصبية:

- ما تشوفلنا يا عم مسيوخ الزفت ده يدور لنا ع الواد منظرنا بقى زبالة ولا فاكر نفسه جاي يتفسح هنا؟

المنوفي:

- والله عندك حق.

ثم علا صوته بالنداء:

- مسيووووووووخ.

ثارت زوبعة في الهواء ومن بينها ظهر مسيوخ الذي بدا ناعسًا.

عصمت:

- صح النوم يا ستونووم العوافي يا ضنايا.

مسيوخ فارغًا عينيه في تكاسل:

- امممممم خخخخخخخخ.

لكزه عصمت في وجهه ليفيق في فزع .. صاح مسيوخ بعيون حمراء يملؤها الغيظ:

- إنت كده عملت الغلط يا عم إنت ما تخلينيش أعملها معاك.

عصمت:

- النى تتوكس.

مسيوخ:

- اللهم طولك يا روح يسويها ربنا بعدين عايز إيه يا عم؟

عصمت:

- إنت تقب وتغطس تشوفلى أميرفين داهية.

مسيوخ:

- هو أنا جاى معاكم أدور على الناس التامهه يا برنس؟

المنوفي:

- لا يا عم جاى تسشور شعرك، إتحرك يا عم بوظتلى فكرتى عن الرعب جاتك

البلا.

رقد مسيوخ على الأرض ف جن جنون عصمت وصاح فيه:

- إنت هتنام تانى نهارك إسود.

مسيوخ:

- إصبريا عم بسمع الأصوات اللى جاية من الأرض

عصمت فى سخرية:

- آه يا حبيبي ده صوت الجزمة اللى هحدفك بيها.

على الناحية الأخرى كانت فاطمة تهمس لهبة بشيء ما، فرفعت هبة صوتها قائلة:

- بنات معلش عاوزاكم فى موضوع كده لوحدنا

تحركت سمر مع الفتيات بعيداً وقالت ريم فى فضول:

- فى إيه ياهبة قلقتينا.

هبة:

- بصراحة كده مش مرتاحة لوجود فاتن.

- دعاء متعجبة:

- ليه بتقولي كده؟؟

هبة:

- من ساعة لما ظهرت واحنا فى دوامة ومصايب .. وساعات تختفى فجأة وترجع

تظهر، أنا واخده بالي منها

فاطمة:

- طيب والعمل؟

هبة:

- أولاً إحنا مش لازم نثق فيها ونحاول لو اتواجدنا معاها فى مكان واحد نبقى

مجموعة مش واحدة ولا اتنين

في تلك اللحظة اقتربت منهن فأتين فتوقفت هبة عن الكلام بسرعة، ثم احتضنتها بحرارة وقالت بابتسامة واسعة:

- والمصحف إنتي بنت حلال .. كنت لسه بقولهم إنك وش السعد علينا .. صح يا نور؟
نور:

- أه والمصحف وحياة حبيبي صافيناز تموت لو كنت بكذب

منذ أفاق وائل نصار من إغمائه كان لا شيء في عقله سوى العودة لتلك الفتاة التي ظهرت له في إحدى الغرف (درة).

تسلل من بين المجموعة بخفة ثم راح يبحث عنها بين الغرف وهو يتساءل هل كانت حلم؟ هل هي حقيقة أم وهم؟

قادته قدميه الى إحدى النوافذ التي يبدو عليها أنه تم إغلاقها منذ دقائق .. كانت تختلف عن باقي النوافذ، مساميرها والقطع المعدنية فيها لا يعلوها الصدأ، والزجاج نظيف جدًا وكأنما تم مسحها منذ لحظات .. قال وائل محدثًا نفسه:

- والله فتح الشباك دلوقتي فكرة كويسة على الأقل الواحد يشم شوية هوا نضيف واعرف أفكر كويس.

وما أن لامست أصابعه الزجاج حتى شعر بيد تلمس كتفه وصوت يهمس في أذنه بإغراء شديد:

- إنتت عايز تزعلني ولا إيه؟

التفت نصار ليجد صاحبة الصوت تنظر له في دلال وقد زادها الضوء الخافت سحرًا .. سألتها بلهفة:

- كنتي فين؟

- أنا معاك طول الوقت.

- أنا!!!!!!

درة:

- إنت عايز تهرب زهم؟

- بالعكس أنا عايز أكون معاك على طول.

درة:

- يبقى تخلصني من سجنى .. أنا مسجونة هنا من زمان قوى، عدى عليا وقت

أطول مما تتخيل.

- ليه وإزاي؟

اقتربت منه أكثر حتى شعر بنفسه يذوب من حرارة انفاسها ثم همست:

- هتعرف كل حاجة في وقتها.

- إمتى وقتها؟

- إنت ليه ما جيتش لوحديك؟ كان لازم يعني تيجي مع دول كلهم؟

- أنا أنا يعني...

أضافت ضاحكة:

- عموماً مش مشكلة أهم يسلونا شوية حتى أنا اتعودت اللعب النوع ده من اللعب.

- لعب؟؟؟

- أها طبعاً ياما ناس كتير قبلهم بصراحة في الأول بيقوا مزعجين بس بعد كده

اللعبة بتبقى لذيدة قوى.

- مش فاهم!!

لامست وجهه قائلة:

- يعني لو فهمت هتلعب معايا.

- أكيد.

وقبل أن يكمل الجملة سمع جلبة وأصوات اختفت على إثرها درة فأخذ يسب ويلعن اللحظة المنحوسة التي جاء معهم فيها قائلاً لنفسه:

- كان يحصل إيه يعني لو كنت جيت لوحدي!

ثم لمعت في ذهنه فكرة ابتسم على إثرها قائلاً:

- اممم ملحوقة عموماً يستاهلوا أنا أصلاً مش طايقهم

- بتحبيني

أطرقت فاتن برأسها في حياء زادها جمالاً فوق جمالها .. كانت ترتدي فستان وردي اللون جعلها أشبه بفراشة لامعة.

أسكتت كلتا يديها ثم اصطحبتها إلى الشرفة ووقفنا ننظر إلى قمر الليل الذي بدا حزيناً على غير عاداته .. سألتها:

- مالك .. زعانة ليه؟

ابتعدت عني ونظرت إلى الطريق الذي يمر اسفل العمارة وقد تجمعت فوقه أكوام هائلة من الرمال والزلط المعدة لاستكمال البناء.

حاولت أن أجعلها تنظري .. عادت تهرب مني مثل قطة صغيرة وفجأة ظهر جبار .. كان مثل ثور هائج أفلتت من حظيرته .. حاول أن ينقضَّ عليها .. وقفت حائلاً بينه وبينها .. نطوحنا سوياً واستمرقتالنا طويلاً حتى ظننت أنه لن ينتهي أبداً .. هناك سلم نقترّب منه .. نحن الإثنين نتدحرج من فوقه .. كل شيء من حولي يدور .. صراخ فاتن أيضاً يدور .. اللعنة .. هناك ظلام .. هناك أيضاً...

- نادر .. نادر.

استيقظت من الحلم على نداء عصمت .. مسحت العرق الذي كان يغمر جبيني ..
عاد عصمت يقول وهو يناولني زجاجة ماء:

- شكلك كنت بتعلم

وأمت برأسي وجرعت من الزجاجة جرعة صغيرة .. تلفت حولي أبحث عن فاتن ..
كانت تجلس في أحد الأركان مثل شخص مريض بالجدام والكل يخشاها ويتلافها.
التفتت أنظر إلى البقية .. كانوا جميعًا يفترشون الأرض من الإرهاق والتعب ..
تم تقسيم القاعة إلى قسمين قسم للشباب وقسم للبنات وصنعنا بينهم حائط من
القماش لاحترام الخصوصية .. كان هناك من دخل في النوم مثلي وهناك من ظل
مستيقظًا يأكله القلق مثل عصمت.

فجأة انتهينا جميعًا لصوت غريب .. صاحت ريم:

- حد سمع اللي أنا سمعته؟

سلي:

- أها ده صوت ديب تقريبًا؟

سمر:

- لأ مش تقريبًا أنا سامعة صوت ديب بجد.

ريم:

- مش بقولكم!!!

سمر:

طيب نشوف الصوت جاي منين.

سلي:

يا جماعة عادي تلاقي العفاريت بتحاول تخوفنا.

ريم:

لا والله جيتي المفيد هتشليني يا شيخة.

هبة:

مش يمكن حد من الشباب بيعرف يقلد الأصوات وبهجر؟

نور:

استنوا دا مش ديب واحد دا أكثر من صوت يعني لو واحد بيقلد أصوات استحالة يعملها.

بدأ يراودهم شعور بالقلق .. وفي الركن الخاص بنا كان يدور الحوار التالي:

أيمن النجار: إيه يا جماعة الصوت ده مش عارف أنا.

وليد عبد المنعم: ده صوت ديابة مش صوتنا يا خفة.

أيمن: وهو أنا قولت إنه صوت عصافير؟

وليد: طيب يعني عاوز إيه؟

أيمن: عاوزهم يسكتوا شوية عشان أعرف أنا.

وليد: يا بني آدم بقولك صوت ديابة واحنا في عمارة مسكونة يعني أكيد صوت

عفاريت.

أيمن: طيب والنبي قولهم يتخمدوا دلوقت وبيقوا يبجوا يتعفرتوا بكرة.

عمرو مرزوق في سعادة: واو عفاريت أنا مش هناك غير لما يظهر وا تصور معاهم

سيلفي.

كدت أن أصرخ فيهم .. أيها الحمقى، الأشباح والعفاريت لا تظهر في الصور .. ثم

فضلت الصمت وابتلعت لساني حين دوت صرخة هادرة...

داخل القاعة الغريبة كان أميرمازال راقداً على الأرض في يأس فقدمه المكسورة
من أثرالسقطة تمنعه من الحركة .. كان يشعربالأم الجوع والتعب.

عاد يدق على الأرض بعنف وإذا بضوء يأتي من الأعلى يبهرعيناه التي ظلت في
الظلام ليلة كاملة ورأى على أثرالضوء شبحاً يتحرك في آخرالقاعة .. نادى بيأس:
- في حد هنا؟

بدأ الشيخ في الاقتراب منه ببطء .. كان يبدو كأنه يسبح في الهواء .. حين اقترب
منه الشيخ استطاع أن يميزه .. كانت فتاة جميلة تشبه جنيات الأحلام طويلة الشعر
يكاد وجهها يضيء.

اقتربت منه أكثر حتى أنه تشم عطرها الذي غطى على رائحة هواء القبو ووضعت
يدها على جبينه قائلة برقة:

- إنت بخير؟

أمير:

- أنا بخير .. إنتي .. إنتي مين؟

- مهمك تعرف؟

- لأ مش مهم خالص.

قالت وهي تتحسس قدمه:

- يا حرام إنت رجلك مكسورة؟

- للأسف وإلا كنت طلبت أرقص معاكي.

قالت ضاحكة:

- ترقص وانت في حالتك؟

- طيب انتي مين؟

- مش مهم .. المهم إني جاية أساعدك.

ثم رفعته من على الأرض بقوة لا تتناسب مع حجمها الضئيل بينما أمير ينظر لها باستغراب .. لاحظ أنها ترتدي خاتم ذهبي صغير وله فص أزرق جميل.

أشارت الفتاة إلى جزء من الحائط فتحرك من مكانه ليظهر خلفه درج سلم يقود إلى الأسفل.

عاونته على النزول وفي آخر درجة التفت ليشكرها و.. كانت قد اختفت.

وفي مكان آخر كان وائل نصار يدور حول نفسه مثل المجنون يبحث عن درة.

كان حياها قد استولى على كيانه وروحه.

ما يزال كلامها عالقا في ذهنه .. إنها لا تريد غيره .. لا تريد الآخرين.

إذاً ليكن ما يكون .. هكذا عقد وائل نصار عزمه على شيء واحد وهدف واحد.

التخلص من كل الموجودين.

كان عواء الذئاب يزيد كل لحظة قوة وجرأة .. بدا لي أن هناك معركة قادمة، أو أن الذئاب تنادي على بعضها من أجل الاحتشاد قبل أن ينقضوا علينا في آن واحد .. صحيح أنني نحيف إلى حد ما لكني واثق أن الذئاب لن ترى في ذلك مشكلة.

كان إعصار القلق يضرب الجميع وبلا هوادة .. وضعت كوفية على رقبتي بمجرد

ذكر إعصار القلق ثم توجهت إلى بقية الرفاق .. كان عصمت يقول:

- إحنا لازم نحمي نفسنا.

محسن: حماية إيه اللي بتتكلموا عنها أولاً لوفي ذئاب فعلاً ما حاولوش يهاجمونا
ليه ما هم بقالهم أكثر من ساعة

عصمت: أمال يعني الأصوات دي أصوات بوجي وطمطم والنبي يا محسن بلاش
فلسفة.

المنوفي: بس محسن عنده حق يا عصمت وعمومًا برضو إحنا لازم نعمل حسابنا.
عصمت: أيوة إزاي يعني؟ أنا أعرف إن الديابة وأي حيوانات مفترسة بتخاف من
النار.

محسن: ده برضو هيقولي مفترسة يا جدع إنت ركز دياابة إيه اللي هيحجيبها هنا؟
عصمت: أصبر بس يا محسن ها يا عمرو كمل.

المنوفي: إحنا ندور على حاجة بنفع نولع فيها نارونقعد حوالها أهو على الأقل
خالص تنورلنا شوية.

محسن: والله هي فكرة مش بطالة.

وهكذا ودعت فاتن ثم توجهت مع عصمت لنبحث عن شيء يمكن إشعاله، كانت
فكرة جيدة خاصة أننا في مكان مغلق وبالتالي نضمن أن نموت من النار بدلاً من أن
نموت من الذئاب.

فجأة ارتعشت الأضواء مرة أخرى وعلي ضوءها الهزيل ظهر من بعيد طيف يركض
بين الغرف .. صحت:

- مين اللي بيجري هناك ده؟

عصمت: مش عارف.

قالها ونحن نسير باتجاه الطيف .. مرة أخرى نلمحه يعبر سريعاً .. صاح عصمت:

- إبيييبييه ده .. ده هو!!!

قلت مصدومًا:

- لأ مش ممكن أنا شايف جثته بعينيا.

- والله هو.

دققت النظر:

- فعلاً نفس اللبس بس مش ممكن.

- لا أنا متأكد إنه هو.

لن أخبركم الآن من هو.. فقط دعونا ننتقل إلى مكانٍ آخر.. وسريعًا.

في تلك الأثناء قرر المنوفي أن يبحث بنفسه عن أمير.. استعان بكشاف هاتفه يتفحص كل ما في طريقه فربما يعثر على أي أثر يرشده.

أثناء سيره اصطدم بشخص آخر كان يبدو أنه يبحث أيضًا عن شيءٍ ما.. كلاهما أصابه الفزع من الآخر، وقبل أن يصرخا استطاعا أن يميزا بعضهما.. قال المنوفي وهو يتنهد:

- إيه ده هو إنت يا وائل؟! يا أخي إنت طلعت مرعب أكثر من كتبك.

أجاب نصار بحنق بالغ:

- أنتوا اللي أعصابكم خفيفة أعملكم إيه؟

- هموت واعرف إنت بتختفي فين.

- يا عم لا بختفي ولا بظهر بس بقى طقم البنات اللي معاكوا كل ما يشوفوني هات

يا صويت بقي وجويا مامي ومعرفش إيه حاجة تخنق بعني.

- وانت كنت عاوز تختفي في تابوت قدامهم ولما يشوفوك بعدها يحدفوك بالورد؟

- يا عم لا ورد ولا جرجير إطلعوا من نافوخي.

عاد المنوفي يسأله:

- يلا شوف وراك إيه ما تعطلنيش.

- أنا اللي معطلك إنت اللي نسيتني إني بدور على أمير.

- دا إنت ضايع خالص وتدور على أمير ليه وهو قاعد جنبك أهو.

- هو مين اللي قاعد جنبني أنا بكلمك عن أمير حسين.

- ما أهويا بني آدم جنبك من الصبح.

قالها نصار وأشار إلى ركن بعيد .. التفت عمرو إلى حيث أشارت أصابع نصار ليجد أمير يقف متكئاً على عصا، وقدمه موضوعة في جيبرة بدائية يبدو أنه صنعها بنفسه. عاد المنوفي ينظر إلى نصار الذي ابتسم ابتسامة واسعة .. ومخيفه.

- حسن .. حسن دارك.

رددها عصمت وهو يقترب من حسن الذي بدا واضحاً جداً ووقف في مواجهتنا.

- إنت بخير؟!

سأله عصمت .. تهمد حسن قليلاً ثم أجاب:

- أنا بخير.

ثم أخبرنا أنه وجد نفسه محبوس داخل قاعة غريبة قبل أن تأتي فتاة وتخرجه منها.

نظرت إلى عصمت متسائلاً:

- أو مال الجثة الموجودة في الحمام دي جثة مين؟

لم أكد انطقها حتى سمعنا صراخ المنوفي وهو ينادي الجميع ويخبرهم أنه عثر على أمير.

أسرعنا الخطى نحو مصدر الصوت.

كان أمير يقف وحوله الجميع يتأكدون على سلامته وهم شبه مصدومين.

ثم كانت الصدمة الكبرى حين رأوا حسن يسير معنا .. أعتقد أن بعض الفتيات فقدوا الوعي .. دكك منهن .. لا يوجد ما يستوجب كل هذا الخوف .. شخص قطعت رأسه ثم عاد يسير .. هذا بالتأكيد لا شيء يذكر.

جلسنا جميعاً نستمع إلى رواية أمير وحسن .. طبعاً لا داعي أن أخبركم أننا لم نعر على أثر اللجثة المقطوعة الرأس التي تركناها وديعة في الحمام .. أخبرتهم أنها ربما تكون قد انزلقت في المراض لكنهم نظروا لي فيما يشبه (إسكت يا عبيط).

كانت النقطة المشتركة بين الروائيتين، الفتاة التي ساعدتهم على الهرب.

من تكون

حيبتي من تكون؟

أشياء .. وأشياء، أسماء .. وأسماء.

أسف لقد انتابتي الحماسة .. لحسن الحظ أن هبة نست إبرتها وإلا لكانت في عيني الآن.

* * *

جاءت فاتن في نفس اللحظة التي كانت فيها نور تقول لأمير وحسن:

- ما شاء الله إنتوا هتغيروا فكرتي عن العفاريث يعني بدل الفرم والتقطيع بقوا يساعدوا ويقدمو بيتزا بالخضار؟

هبة: دول عفاريث فايف استارز .

المنوفي: والله الرعب سمعته إتنيلت من ساعة ما أمثالك دخلوه.

أمير: أنا مش مجبر أرد على أي تعليقات بايخة على فكرة.

حسن: ولا أنا.

عاد أمير يقول:

- أنا بصراحة معرفش هي عفريثة أو لأكل اللي أعرفه إنها أنقذتني من المكان اللي

وقعت فيه وبعدين اختفت

حسن: ولا أنا.

محسن: طب هي فين؟

أمير: معرفش.

حسن: ولا أنا.

التفت نحوه محسن بغضب:

- ولا إنت إيه بس؟

ثم عاد لأمير ليكمل قائلاً:

- ومفروض يعني إننا نصدق الكلام الفارغ ده؟

أمير بعصبية: محدش طلب منك تصدق حاجة وما أسمحكش تكلمني كده.

ثم نهض بغضب متحاملاً على نفسه وتوجه للخارج.

في طريقه مرَّ عليَّ أنا وفاتن.

في طريقه زوي ما بين حاجبيه ودقق النظر في يد فاتن.

في طريقه توقف كثيراً أمام الخاتم الذهبي الذي تلبسه فاتن .. خاتم له فص أزرق.

جميل.

المنوفي: فكرتني بالحاجات الغريبة عملتوا إيه في صوت الديابة؟

محسن: يعني هنعمل إيه ولا حاجة ده فجأة سكت زي ما بدأ.

عصمت: طيب وهنعمل إيه لو ظهر تاني؟

المنوفي:

- ما تشوفلنا مسيوخ الزفت ده ياعم ولا هو محسوب علينا عفريت وخلص؟

- الله ليه الغلط ده بقى هو أنا كنت غلطت فيك أبرنس؟! يعني كويس أما أعملها

معاك؟

قالها مسيوخ الذي ظهر فجأة كعادته .. صاح عصمت:

- إنت بتروح فين يا بني آدم إنت.

مسيوخ: بس ما تقولش بني آدم بس عيب يا أستاذ.

عصمت: إخلص يا عم، إنت هتخشلنا قافية!! عاوزين نعرف إيه اللي بيحصل هنا

ده وإنتم بتتنيل تختفي فين؟

مسيوخ: وهو إيه اللي بيحصل لا مواخدة؟

المنوفي: آه يا مرارتي ياني لأ أبداً لا ناس راسها بتتفصل عن جسمها ولا صوت ديابة

ولا واحدة بتظهر وتختفي.

مسيوخ: يا خراشي يا ختي أنا جتني مش خالصة ده باينه مكان معرفت بصحيح.

المنوفي: يا خراشي يا ختي!!!!!!!!!!!!!!!!!!!! نفسي أفهم هو إنت جني ولا أم عفاف الشغالة.

مسيوخ: طب ما تقولش شغالة طه.

عصمت: يعني هي دي اللي فرقت معاك يا خبيتها إنت قولتلي إنك ابن ملك من

ملوك الجن والنعمة أخرجك هتطلع ابن غسالة في الأخرطه.

مسيوخ: أهو إنت كده بتليخ في مامي.

عصمت: يا زفت إنت مش وقته خالص الهري بتاعك ده عايزين نعرف إيه اللي

بيحصل هنا الناس أعصابها باظت

أمسك مسيوخ بعلبة سجائر عمرو المنوفي قاتلاً:

- ولع يا برنس البرانيس.

ثم أضاف وهو يشعل سيجارة وينفث دخانها في الهواء:

- والله انتوا مكبرين الموضوع خالص أنا لو شوفت حاجة غريبة بتحصل هقول على طول.

المنوفي: ما هو الحاجات دي مفروض إنها مش غريبة بالنسبالك مش الباشا جني ولا أنا متيألي.

مسيوخ: ما هو أنا ما شوفتش حاجة بتحصل أصلاً لا غريبة ولا عجيبة عشان أحكم إنتوا مافورين.

عصمت: ثانية واحدة إنت فعلاً ما شوفتش حاجة ولا بتشتغلنا؟

مسيوخ: وهشتغللك ليه عليا الطلاق ما شوفت.

المنوفي: ده نفس كلام نصارتفتكريا عصمت إحنا بيتيألنا؟

عصمت: هو معقول يعني كلنا بيتيألنا نفس الحاجات في نفس الوقت.

مسيوخ: وجايز مفيش حاجة أصلاً أو...

عصمت بلهفة:

- أو إيه يا فالح؟

- أو تكون فيه قوى خفية شريرة.

سار أمير ببطء تعيقه قدمه المصابة باحثاً عن مكان يجلس فيه بهدوء بعيداً عن سخافات أعضاء الجروب وتعلقاتهم المستفدة.

كان بحاجة لبعض صفاء الذهن ليفكر في أحداث الليلة الماضية .. كان واثق مليون في المئة أن خاتم الفتاة هو نفس الخاتم التي تلبسه فاتن .. لكن ماذا يعني هذا..

وما هو تفسيره المنطقي .. شارلوك هولمز اعتاد أن يقول (إذا ما انتزعته من تفكيره رائحة دخان سيجارة تبغ ملفوفة .. نظر إلى جواره ليجد حسن الجندي جالساً بعيون متكاسلة ينفث دخان سيجارته مهدوء واستمتاع كبير .. قال أمير:

- حسن إنت هنا.

حسن: أمال هناك؟

أمير: هو ليه كلكو غاوين قلش!

حسن: مش قلش بس إنت جيت وانا قاعد وبقالك ساعة مبخلق فيا وما نطقتش ودلوقت بتقولي إنت هنا عايزني أرد أقول إيه يعني؟
أمير: آسف ما خدتش بالي إنك هنا.
حسن: معلش عادي.

لاحظ أمير أن حسن لم يلتفت لقدمه المكسورة ولم يسأل أية أسئلة سخيقة كما كان متوقعاً، فأعطاه هذا بعض الراحة وقرر أن يتحدث له بدلاً من أن يتحدث إلى نفسه:

- حسن ممكن أتكلم معاك شوية.

حسن: إتفضل

أمير: إنت تعرف إيه عن المكان ده؟

حسن: أبداً عادي مكان زي أي مكان والناس قروا يطلعوا عليه سمعة

أمير: قصدك إن كل ده إشاعات؟

حسن: طبعاً

أمير: بس ده مكان غريب فعلاً.

حسن: غريب إزاي مش واحد بالي.

أمير: إنت متأكد إن السجاير اللي بتلفها دي تبغ بس؟؟؟؟

حسن: فعلاً أخذ التصريح بس أنا مش متأكد هو كان ناوي يخلها عمارة ولا فندق.

أمير: فعلاً الأوض كتير هنا والتقسيمة غريبة شوية وفي ممرات طويلة زي الفنادق.

حسن: زي ما قولتلك دي مش متأكد منها بس اللي أعرفه إنه جاب مقاول مشهور

إسمه (جبار) .. لكن جبار ما كملش بنى العمارة

أمير: مش فاهم .. اختلفوا على الفلوس مثلاً؟

أشعل حسن لفافة تبغ جديدة ثم قال:

- لأ الموضوع ما كانش مسألة فلوس وفي الحقيقة مفيش حد يعرف إيه اللي

حصل بالضبط .. كل اللي الناس تعرفه إن جبار اختفى فجأة في ظروف غامضة هو

والسكرتيرة بتاعته وبنيت أخوه .. اختفوا تماماً بدون أثر.

ثم تخشب جسده فجأة، وزاغت عيناه، وراح يكرر بلا انقطاع:

- بدون أثر .. بدون أثر .. بدون أثر.

تراجع أمير للخلف مذعوراً:

- مالك يا حسن .. حسن .. إنت إتبستت .. بلاش هزاريا جدع.

لم بيد على حسن أنه سمع حرف من أمير .. استمر يردد وجسده يرتجف بعنف:

- بدون أثر .. بدون أثر .. بدون أثر.

- باشا .. باشا .. باشا.

كان الأسطورة يجلس على كرسي خشبي صغير بالقرب من مكان العمارة التي اختفت، ومنهمك في التهام سندوتش الحواوشي حين اقترب منه العسكري منادياً إياه .. قال الأسطورة وهو يلعب أصابعه من الدهن العالق بها:

- حلوقوي ساندوتش حواوشي التنين ده.

ثم مسح يده بمنديل نظيف واجترع نصف زجاجة مياه غازية وانتظر لحظة حتى تجشأ ثم قال للعسكري:

- خير؟

- أبداً سعادتك .. أهالي المنطقة متجمعين وعمالين يقولوا إن الحكومة هي اللي خدت العمارة.

قال الأسطورة باستنكار وهو يلقي المنديل على الأرض:

- حكومة إيه اللي هتاخذ عمارة .. هي محفظة .. الناس دي بتفكر ازاى؟

انحنى العسكري على أذن الأسطورة وقال بصوت خافت ذونبرة دراماتيكية:

- بيقولوا مؤامرة كونية سعادتك.

قال الأسطورة بصوت خافت أيضاً:

- إنت موطي صوتك ليه؟

قال العسكري بصوت خافت:

- مش عاااa

عاد الأسطورة إلى نبرته الأمرة وقال له بحزم:

- إضرب عليهم قنبلتين غاز وفرقهم .. يلا إخلص .. أنا مش ناقص صداع

هرع العسكري لينفذ الأمر الميري .. في طريقه أخرج هاتفه المحمول وأجرى مكالمه

سريعة:

- أيوه يامًا .. إفتحي التلفيزيون .. أيوه هضرب قنابل غاز دلوقتي .. وقولي لبيت

الجيران .. استني قولي لأهل المنطقه كلهم .. أه .. وقولي كمان للولية القرشانة اللي

ابنها فشل وبقى دكتور .. عاوزه حاجة؟ .. يلا بقی، وأيوه بقی، خمسة مواه.

كنت أتفحص ألبوم الصور الذي عثرت عليه حين التقيت بفاتن .. كان عصمت

يقول:

- فاتن وراءها سر كبير.

- أكيد .. والي ما يفكرش في كدا يبقى غبي.

أشار عصمت للشاب الذي كان يقف في الصورة بجوار فاتن .. كان الشاب بيتسم

في سعادة جمّة .. قال عصمت من جديد:

- واضح أنه كان حبيبها .. بس الغريب إنه في الوقت ده مسألة الصحوية والحب

كان عليها قيود كبيرة من الأهل.

عصمت محق تمامًا فيما يقول .. هويتحدث بذلك بالغ هذه المرة .. قبل أن ينطق

عصمت جملة أخرى فوجئنا بأمير يدخل علينا وهو مدمر الأعصاب والعرق يغطيه

.. كان منظره يدل على أن مصيبة حدثت أو مصيبة ستحدث، وفي كلتا الحالات فإن

الوقت فات على الهرب .. قال أمير وهو يأخذ نفسه بصعوبة:

- حسن .. حسن الجندي إلتبس من الجن.

لأعتقد أنه يوجد لبس من الجن .. ربما مَسَّ .. قرأت ذات مرة أن الجن يعبث بالمجال الكهربائي للإنسان ويجعله يقوم بمثل تلك التصرفات الغريبة والتي نطلق عليها مجازًا تصرفات شيطانية.

عصمت استمع إلى كل كلمة يقولها أمير باهتمام وأيضًا بشك .. توجهنا برفقة أمير إلى حيث ترك حسن.

وجدنا حسن فاقد الوعي وقد تناثرت بجواره لفافات السجائر التي كان يستخدمها. تعاونًا نحن الثلاثة على حملة والعودة به إلى بقية الرفاق.

حين وصلنا إليهم وبعد أن وضعنا حسن على كنبه مريحة توجهت كل الأنظار وأصابع الاتهام إلى أمير .. ما زال لديهم اعتقاد أن هناك من يتلاعب بهم .. لا يصدقون في نظرية الجن والعمالقة .. تقريبًا أنا أيضًا أظن أن في الأمر خدعة وأن هناك من يتلاعب بنا.

أعلم أن فاتن عنصر شك .. لكن يظل هناك احتمال أن شخص ما زور هذا الألبوم لكي يوهمنا.

رأيت عصمت ينظر إلى فاتن بطرف عينيه، بالتأكيد يفكر فيما أفكر فيه .. ألمح أيضًا أمير يقترب من فاتن .. ينوى مواجهتها بأمرٍ ما لا أعلمه .. أمسك ذراعها بقسوة ثم قال:

- إنني مين بالضبط؟

والآن دقت ساعة الحقيقة

ارتعشت فاتن وقبل أن تفكر في رد سحبت هبة، أمير، وقالت له بحدة:

- مالكش دعوة بها دلوقتي .. خرينا فيك .. إنت كل ما بتمشي بترجع ومعاك مصيبة .

صنع بقية المجموعة حلقة مغلقة حول أمير وحاصروه بأسئلتهم:

- حصل إليه؟

- كنت مخفي فين؟

- مين اللي هربتك؟

- هتجوز إمتى؟

صاح أم يرفي ضيق:

- أنا ما عنديش إجابات وحكيت وانتوا مش عاوزين تصدقوا ودي مش مشكلتي.

اقتربت منه هبة بنظرات نارية قانلة:

- طيب إنت بتحكي مع حسن في إيه؟

أمير:

- كان ببحكي لي المعلومات اللي يعرفها عن واحد اسمه جبار.. استريحتوا؟

هبة: إنت ليه محسني إن إحنا في مكان غريب ومتعرضين لخطر؟

قال أمير:

- هو فعلاً إحنا في مكان غريب ومتعرضين لخطر.

سمر: واضح يا جماعة إن أمير عنده حق.

هبة: طيب على الأقل نعرف هو كان مخفي فين.

أمير: أنا ما كنتش مخفي .. أنا كنت محبوس .. فيه فرق، وبعدين انتوسيببتوا كل

الحاجات العجيبة اللي هنا وماسكين فيا أنا.

محسن: ما هو كل الحوادث اللي بتعدي مش بنلاقي حد نسأله.

أمير: غريبة مع إنكم شوفتوا حسن دارك وهو مقتول وراسه مفصولة عن جسمه

وبعدها بكام ساعة رجع.

التفتت أنظار الجميع في غضب إلى حسن وقد تذكره .. قال مدافعاً:
- والله يا جماعة ما أعرف غير اللي حكيتة ليكم قبل كده .. طيب نصار برضو
اختفى ورجع.

هبة: طيب فين نصار بقى؟

محسن: اختفى كالعادة بجد أنا ما بقيتش فاهم إنتو بتتحركوا إزاي!!!

أمير: طيب ممكن بقي تسيبوني عشان فعلاً محتاج أستريح؟

هبة: محتاج تستريح ولا تكمل خطتك الشريرة؟

أمير: خطة شريرة إيه؟ .. إنتي لسه مفكره إنى ورا ده كله؟

ثم صمت للحظة والتفت للمنوفي: عمرو هو إنت قبل ما تجيبنا هنا حاولت تعرف
أي معلومة عن العمارة دي؟

ارتبك المنوفي من السؤال ولم يجد إجابة .. رد عصمت: كل اللي نعرفه إنه مكان
غامض ومحدث عارف يسكن فيه وحصلت حوالبه وجواه أحداث غريبة.

أمير: برافوعي إنتوا جايبين المكان ده من غير أي معلومة حقيقية وجايبين معاكو
أكثر من خمسين شخص وجايبين دلوقت تفكروا في حل!

قطع ذلك الحديث المطول صوت رنين هاتف محمول .. توجهت كل الأنظار باتجاه
صاحب الرنين .. المنوفي.

لو كانت النظرات رصاصات لكانت جعلت المنوفي أشبه بمصفاة .. الكل عاد
يشك فيه .. حتى عصمت .. حتى الحاجة زينب وحلقها الشهير شكوا فيه .. قال المنوفي
بارتباك وهو يخرج الهاتف:

- أنا معرفش هورن إزاي!!!

كان أمراً مريباً حقاً .. لماذا هاتفه الوحيد الذي ما زال قادراً على الاتصال بالشبكة
.. سحب منه عصمت التليفون ووضعته على أذنه بحذر:

شحبت كل الوجوه وزاغت جميع الأبصار.. كدت أن أصرخ (عن أي بتنجان
تتحدثون هناك شيخ شرير ينوي الانتقام منا)

التفت نحوي عصمت:

- وعى تكون صدقت حكاية الشيخ .. أقطع دراعي إن ما كانش حد بيشتغلنا.
يا إلهي .. أكاد أجن .. مازالوا لا يصدقون .. ماذا يجب أن يحدث لكي يقتنعوا أننا
في مكان ملعون.

- عصمت أطلب الشرطة تيجي تنقذنا.

قالها هيثم ممتاز.. رد عصمت:

- يا هيثم الشرطة ما بتجيش غير في الآخر وبعد لما يكون كل الناس ماتوا.
صاح أيمن النجار:

- اطلبنا ديلفري إحنا بقالنا يومين هنا ما دوقناش ولا لقمة لو ما موتناش من
الخوف هنموت من الجوع.

- هو في حد يموت من الجوع برضو وعنده السفرة العظيمة دي.

قالها نصار الذي ظهر فجأة وهو يشير بيده إلى آخر القاعة.

شعر الجميع بالدهشة .. لم يكن ظهور نصار هو سبب دهشتنا ولكن كان سبب
دهشتنا تلك المائدة التي ظهرت حيث أشار نصار.. بعد لحظات من الصمت والذهول
نطقت سمر:

- أنا مستحيل أقعد على السفرة دي تاني.

أجابها أيمن:

- يا ستي وانتي يعني جراك إيه ما إنتي ظهرتي تاني أهووما حصلكيش حاجة يلا
يا جماعة أنا واقع.

انضمت لأيمن سلمى وريم ودعاء ولم يستطع الباقيون المقاومة فهم في شدة
الحاجة لطعام.

جلس الجميع على المائدة بينما ظللت في مكاني دون أن أتحرك .. شيء ما يقلقني .. نصار مازال في مكانه يراقب الجميع وهم يأكلون .. لماذا لا يأكل .. عيناه تدوران بلا توقف .. يبدو كمن يصارع ألف فكرة وفكرة داخل عقله.

تلقت أبحث عن فاتن فلم أجدها .. ربما تكون شعرت بالخوف من أمير .. ربما يكون لديها شك تجاه نصار مثل شكي .. كل الاحتمالات ممكنة.

اقترب مني عصمت وناولني (ورك) فرخة:

- خد الورك ده وادعيلي

كانت الراحة شبيهة ومستفزة .. نظرت إلى بقية الرفاق .. لم يحدث لهم شيء .. لو كان في الأكل شيء ما لسقطوا الآن .. حسناً لا بأس من قضمة صغيرة .. كانت لذيدة .. لذيدة جداً .. أجهزت على القطعة في لحظات .. ما زالت الأمور على ما يرام .. عصمت يسقط على الأرض .. أعتقد أنه على ما يرام .. نور وتيام كذلك يسقطون .. بالتأكيد هم على ما يرام .. الباقون يتساقطون بسرعة .. هناك زرافة كبيرة ظهرت من الفراغ .. إنها تحدثني .. تغني أغنية (كوكو واوا، كوكو ماما) .. أعتقد أنني أهلوس .. كل شيء يدور من حولي .. أرى نصار يبتسم في ظفر .. أسقط على الأرض .. هناك دب قطبي يرقص مع الزرافة (سلو) .. ميكي ماوس يصفع الدب على خده ثم يأخذها منه .. لا أعتقد أن السبب هو الطعام .. بالتأكيد هو الهواء الملوث ولئن كنت مخطيء فـ. انتظر .. ميكي ماوس يدخلن شديدة ومهز أذنيه .. اللعنة .. ماذا يحدث!!!

- كله تمام سعادتك..

التفت الأسطورة إلى العسكري الذي جاءه منتفخ الأوداج وهو يكمل كلامه:

- كل اللي كانوا بيتظاهروا اتفرقوا، واللي وقع منهم رميناه في البوكس.

- جميل .. جميل.

ثم صمت للحظة ومسح على ذقنه وأردف قائلاً:

- عاوزك تروح تجيبلي الواد يحيى من الحبس وتخليه يجيب معاه حباية الفيل

الأزرق.

انحنى عليه العسكري:

- تحب أجيب لسيادتك أحمد مراد بالمرّة؟

ضربه الأسطورة على كتفه:

- إنت هتهزر؟ .. روح نفذ الأمر يا عسكري.

بكى العسكري مثل طفل صغير ثم ألقى سلاحه وطوح قبعته:

- طيب والنعمة ما أنا شغال .. أنا مروح لامي.

ثم جرى بعيداً عن الأسطورة الذي جرى خلفه وهو يصرخ:

- أقف يا ض .. يا ض أقف .. يا ض يا ابن الـ..

ميكي ماوس يقبلني على خدي قبلة باردة ...

فتحت عيني بصعوبة .. مازلت لا أستطيع التحكم في أطرافي .. نصار قام بجمعنا وتقييدنا بالحبال .. كان المنوفي بجواري تمامًا فاقد الوعي بينما زيد أبيض يسيل من فمه ويسقط على وجهي.

أبعدت وجهي عن المنوفي قليلاً ونظرت إلى نصار الذي كان يعطيني ظهره.

كانت رؤيتي مشوهة ومهتزة .. أعتقد أنها بفعل المخدر الذي وضعه لنا في الطعام.

كان نصار يحدث فتاة جميلة جدًا ويخاطبها باسم درة.

نصار:

- كويس هنرتاح من إزعاجهم شوية.

درة:

- إنت كده قربت تثبت إنك بتجبنى

- قربت بس .. ده أنا بحبك فعلاً

- أنا عاوزه الإثبات الحقيقي.

قال نصار وهو يشير إلينا:

- إنتي عاوزه إثبات أكثر من كده؟

همست درة في أذنه مثل شيطان خبيث:

- إقتلهم.

اتسعت عينا نصار وهو يردد كالماخوذ:

- أقتلهم!

كررت درة:

- إقتلهم يا نصار.

ثم ابتعدت عنه بليونة ثعبان سام بينما راح صدى صوتها المخيف يتردد بلا انقطاع.

- اقتلهممممممممم

حسناً أيتها الحمقاء هو بالتأكيد سمعك من المرة الأولى.

- اقتلهممممممممم.

اللعنة .. سأصاب بالصمم.

* * *

تنقذهم فاتن

ظلت عيناى معلقتان على نصارووهو يذرع القاعة ذهابًا وإيابًا .. كان يبدو عليه أنه في صراع نفسي رهيب .. لكنى متأكد أن الكفة في النهاية ستميل لصالح درة .. الموضوع الآن لا يتعلق بكونها جميلة أو فاتنة .. لدي شبه اعتقاد أنها ألقت عليه تعويذة ما .. تمنيت لو استطعت أن أتحرك .. ما زال جسدي شبه مشلول .. البعض بدأ يفيق .. هم يشاهدون ما يحدث مثلي لكنهم عاجزين أيضًا.

أرى نصاريفيغادر القاعة، هل يعقل أن يكون عاد إليه رشده!!! .. دقائق وعاد يحمل ساطور ضخم .. أعتقد أنه سيستخدم الساطور في قتلنا لكننا سنكون بخير في كل الأحوال .. ما هذا الهراء الذي أقوله .. إنني أهذي بالتأكيد.

نصارىقترب منى وهو يهز الساطور في يده مثل (عوكل)، أقصد مثل (اللمبي).. (تتح) ربما .. حسناً هو يلوح بالسكين مثل محمد سعد في أحد أفلامه التى تشبه بعضها.

اقترب من هبة ورفع الساطور عاليًا .. قال وهو يرتعش:

- سامحيني.

لن تسامحك بالتأكيد إذا كان هذا ما يمكن أن يمنعك .. ألمح دمعة تسيل من طرف عين هبة .. هي واعية وتعلم ما سيحل بها.

أغمضت عيني.

لا يمكنني أن أشاهد.

سمعت صوت حركة الساطور وهو يضرب الهواء وفي طريقة لضرب عنق هبة ..

ثم سكن كل شيء.

فتحت عيني.

وأغمضتها من جديد في ألم...

- تعالى يا يحيى .. عاوزك في كلمة.

أشار الأسطورة ليحيى أن يقترب منه بينما هو يقف بالقرب من مكان عمارة

رشدي.

كان نهار اليوم الثالث على اختفاء العمارة قد أوشك على المغيب وانتشرت

الأقاويل والتفسيرات حول هذا الموضوع.

كان من ضمن التفسيرات أن أحد العلماء قد اخترع جهاز غريب يقوم بتحويل

الكفتة إلى فيروس .. يعطي للمريض كفتة من ناحية ثم يخرج فيروس من الناحية

الأخرى .. للأسف فشل هذا الاختراع العلمي الرهيب وأدى ذلك إلى اختفاء العمارة

نتيجة الإشعاعات الكونية التي خرجت منه.

أيضًا من ضمن التفسيرات أن هناك جماعة ما أتت في الليل ثم وضعت العمارة

في جوال وهربت إلى تركيا بهدف ضرب السياحة .. طبعًا هذا تفسير غير منطقي فلا

توجد طائرة في العالم قادرة على حمل عمارة بهذا الحجم.

- تحت أمرك يا أسطورة.

- تسلم يا يحيى .. بص أنا عاوز منك خدمة .. عاوز حباية الفيل الأزرق.

ابتسم يحيى ابتسامة عريضة:

- سهلة قوي يا باشا .. أنا أعرف واد صيديلي إسمه (طه) كان أبوه مات من حوالى
كام سنة على إيد بلطجي اسمه (السرفيس) وبعدين...

قاطعه الأسطورة:

- إخلص يا يحيى، إنت هتحكيلي حكاية تراب الماس.

- أسف يا باشا .. نص ساعة بالكثير هروح ل طه أجيب منه الحياية وارجعلك.

استوقفه الأسطورة:

- يحيى

- أوامر

- ما تنساش تسلملي على نيللي كريم.

- أنا سمعت إنها لسة ما خرجتس من (سجن النساء).

- خير عملت إيه؟

- تقريبًا بسبب موضوع (ذات) صلة ب(سرايا عابدين)، بس ما تقلقش سيادتك كل
شيء (تحت السيطرة).

- تمام .. تمام .. يلا إمشي.

- نظرية الجوافة.

- نعم يا اخويا.

- لأ مفيش ده مسلسل لنيللي كريم برضوبس مش عارف أحطه في جملة مفيدة.

حين فتحت عيني هذة المرة كان الساطور في يد فاتن بينما نصارملقى على الأرض
فاقد الوعي.

الأمر لا يحتاج إلى ذكاء كبير لكي أعلم أنها هي من أوقفت نصارفي الثانية الأخيرة
قبل أن يقتل هبة.

مرت علينا فاتن فردًا فردًا وهي تسكب في حلوقنا قطرات صغيرة من سائل أخضر موجود بقرورة تحملها في يدها.

حين أتى علىَّ الدور اشتعل جسدي بطاقة بمجرد أن لامس السائل لساني.

بعد أن عدنا جميعًا إلى حالاتنا الطبيعية تجمعنا كلنا حول فاتن.

مئات .. لابل آلاف الأسئلة كانت في انتظارها.

صاح أمير وهو يمسك يدها الموجود بها الخاتم:

- إنتي اللي انقذتيني .. مضبوط؟

أومأت برأسها .. قال حسن دارك:

- وانا كمان .. صح؟

ابتسمت: صح.

اقتربت منها هبة وسألتها:

- إنتي مين؟

صاحت سمر:

- لا .. إنتي إيه؟

أطرقت فاتن برأسها ثم بدأت تحكي لنا .. اسمها فاتن الحمامة .. ضحكنا عندما ذكرت الاسم .. قالت أن والدتها كانت تحب أفلام فاتن الحمامة ولهذا سمتها على اسمها.

أكملت فاتن وقالت أنها كانت ابنة وحيدة لمقاول شهير، ثم مات والدها ووالدتها في حادث سيارة .. وبعد موت الأب والأم أصبح عمها (جبار) هو الوصي عليها.

كان جبار يعمل كمساعد لوالدها، لكنه كان جشع، وشريد .. حاول أن يستولى على الثروة التي تملكها الابنة .. بدأ أولًا بشركة المقاولات وراح يأخذ أرباحها لنفسه.

خلال ذلك استطاع الظفر ببناء عمارة رشدي .. وفي أحد الأيام تعرفت فاتن على مهندس شاب كان يعمل في شركة والدها.

لسوء الحظ علم جبار بالموضوع .. كانت مسألة أن تخرج فاتن من تحت سطوته مسألة لا يمكن أن يقبلها حتى لو كلفه ذلك أن يرتكب جريمة قتل.

اتفق مع سكرتيرته (درة) والتي كانت بينهما علاقة غير شرعية، أن يقوموا باستدراج فاتن وحببها إلى عمارة رشدي .. ثم قتل فاتن وإصاق التهمة بالحبيب. وبالفعل تم الشق الأول من الخطة بنجاح وتم استدراج الحبيب إلى العمارة في وقت متأخر من الليل.

لكن وقبل تنفيذ الجزء الثاني من مخططهما شعرت فاتن بنية الغدر والخيانة. وفي اللحظة الأخيرة نهت حبيبها، والذي اشتبك في قتال شرس مع جبار، بينما هي تقالتت مع درة.

انتهت المعركة بين الأربعة بأن سقطوا جميعاً في بدروم العمارة التي كانت تحت الإنشاء ثم سقطت فوقهم خرسانة ودفنوا جميعاً تحتها.

عند هذه الجزئية جحظت العيون .. وابتعدنا جميعاً عن فاتن .. قالت نور بقلق بالغ:

- قصدك إن إنتي...

- أيوه .. أنا ميتة .. أنا شبح.

نظر جميع الرفاق إلى بعضهم .. قالت نور وهي تضع يدها على كتف فاتن:

- لا إنتي مش شبح .. إنتي ملاك.

ابتسمت فاتن بسعادة ثم عادت تكمل.

لم يكن موتهم هو النهاية .. روح فاتن ظلت محبوسة في العمارة .. كانت روح جبار تتمسك بها وترفض أن تطلق سراحها.

سنين مرت وهي تحاول الهرب من قوة جبار التي اكتسبها من تعويذة شيطانية كان يمارسها قبل أن يموت.

جبار أشاع الرعب والخوف في نفوس كل من سولت له نفسه دخول العمارة .. وكانت (درة) هي الشيطانة التي يستخدمها في الإغواء كما فعلت مع نصار .. قام جبار أيضاً بمحاولة إرهابنا من خلال خطف أمير، وإيهامنا بأن حسن قطعت رأسه.

لحسن الحظ أن فاتن كانت تتشكل في هيئة أخرى وتحاول مساعدتنا بقدر الإمكان .. وحين يأس جبار منا، حاول أن يستميل نصار لجعله يقتلنا بعد أن أعطاه مخدر تم قراءة طلسم عليه، لجعل تأثيره يمتد إلى الأشباح نفسها. فاتن شكت في الأمر وظلت للنهاية تراقب من بعيد حتى أنقذتنا في اللحظة الأخيرة.

- طيب مفيش طريقة نقدر نحررك من قبضة جبار ونرجع لعالمنا.

سألت فاتن .. أطرقت برأسها أرضاً قليلاً قبل أن ترفع وجهها نحوي وتقول بأسى:

- للاسف مفيش طريقة .. إنتوا هتفضلوا محبسون هنا معايا

ثم دوت ضحكة مخيفة..

مخيفة جداً.

- ١٤ -

- يعني معظمكموا كتاب رعب ومفيش واحد فيكم عنده فكرة تخرجنا من هنا؟
قلتها بغضب مخاطبًا المرعيين .. أجااب المنوفي:
- يا نادر إحنا كتاب مش سحرة أودجالين.
أكمل عصمت:

- ممكن يكون عندنا معلومة، فكرة، لكن في النهاية إحنا أشخاص عاديين جدًا.
قلت:

- خلاص .. إحنا ندور على طريقة نخرج بيها من هنا .. مش مهم فاتن.
نظروا لي باستحقار شديد .. احتضنت نور، فاتن، وقالت بإصرار:
- أنا مش هخرج من هنا غير وفاتن معانا.
وانضمت لها هبة:

- وانا كمان.

ثم انضمت لهم بقية الفتيات وصارت جملة (وانا كمان) تنتقل من فرد لأخر مثل
شرارة نار.
قلت:

- حلوقوي جو الحب والحماسة .. بس إنتوا ناسيين حاجة بسيطة قوي.

التفتوا لي جميعا وتبدلت نظراتهم من استحقار إلى كراهية .. أكملت وأنا أحاول
محو نظراتهم من مشاعري الرقيقة:

- وهو إن إحنا نفسنا محبوسين ومش عارفين نخرج من جبار.. يعني بمعنى ثاني،
نخرج الأول وبعدين نخرجها.

ذهبت سكرة العاطفة بسبب كلامي .. قال محسن بأسف:

- نادر بيتكلم صح يا جماعة .. مفيش في أيدينا طريقة نقضي بها على جبار.
- لأ .. فيه طريقة.

دارت كل الأعناق باتجاه مصدر الكلام .. لم يكن صاحبه ظاهراً لنا .. كان يقف في
مكان مظلم .. تقدم خطوة إلى الأمام فظهرت ملامحه واضحة للعيان.
ومع ظهوره، كان هناك أمل.
جديد.

* * *

- إتفضل يا أسطورة

مد يحيى يده للأسطورة بحباية الفيل الأزرق .. تناولها منه الأسطورة بلهفة
وتفحصها لدقائق .. قال:

- إنت متأكد إنها هتوديني للمكان اللي اختفت فيه العمارة؟

- دي ليها مفعول السحر .. هتنقلك في لحظة.

ربت الأسطورة على كتف يحيى:

- شكراً يا يحيى .. تقدر تروح دلوقتي.

ثم التفت إلى العسكري الذي كان يقف على مقربة منه:

- مش عاوزك تزعل مني.

احتضنه العسكري في تأثروقال وهو يبكي:

- لا يا أسطورة .. ما تروحش.

- نداء الواجب بيطلبني .. ودول في الأول والأخر زهرة شبابنا.

حاول العسكري أن يمنعه:

- طيب استنى شوية .. خرينا نتكلم يا أسطورة.

- يا ض إنت الشارع ده ما علمكش .. إن اللي بيقول ما بيعملش، واللي بيعمل ما

بيقولش؟

قالها وسارحتى أصبح بالقرب مما هو مفترض أن يكون باب العمارة .. نظر إلى الفراغ الهائل الموجود أمامه. تابع اختفاء القمر وراء سحابة رمادية .. هبت ريح باردة أصابته بقشعريرة غريبة .. سمع عواء ذئب يأتي من اللامكان .. رفع حباية الفيل الأزرق .. ثم ابتلعها.

- حسن الجندي

نطقنا جميعاً الاسم في آنٍ واحد .. تلقفه الجميع بالأحضان والسلامات .. كان يبدو بخير .. أخبرنا أنه استعاد وعيه منذ قليل ولقد استمع إلى كل الحوارات التي دارت بيننا .. قال عمرو مرزوق:

- إنت عندك طريقة يا حسن؟

أوماً حسن برأسه .. طلب منا أن نجلس على الأرض سوياً لكي يشرح لنا فكرته.

جلسنا جميعاً على هنية حلقة واسعة .. كان ينقصنا حزمة من النيران المشتعلة لنبدو كأننا من الهنود الحمر .. رسم حسن دائرة على الأرض وقسمها إلى ثلاثة أجزاء ثم قال:

- فيه إعتقاد لدى سحرة الفودو^(٧) إن فيه دايرة مقدسة تربط بين عالم الأحياء، وعالم الجن، وعالم الأشباح .. الفكرة هنا إن إحنا ممكن نحبس جبار في الدايرة دي .. ولو قدرنا نعمل كده، فاتن واحنا وكل حاجة هتتحرر منه.

قلت:

- الكلام سهل يا حسن .. بس هندخله الدايرة إزاي؟

- هنحط له طعم مش هيقدر يقاومه.

ثم صمت للحظة والتفت لفاتن .. ابتسم وعاد يستطرد:

- فاتن

احتجت بقية الفتيات .. قالت سمر:

- لأ .. مستحيل نضحى بفاتن.

هبة: أنا هدخل مكانها.

نور: لا أنا اللي هدخل.

تيام: قشطة .. أخيراً الزهر هيلعب معايا.

أشار حسن للجميع بأن يصمتوا:

- دقيقة واحدة .. ممكن نسمع رأيها؟

والتفت لفاتن قائلاً:

- رأيك إيه؟

أجابت بسرعة:

- أنا موافقة.

- هو إيه اللي بيحصل؟

(٧) الفودو: يعتبر الفودو من أقوى أنواع السحر الأسود الذي يقوم أصحابه باستخدام الأشباح والجن لخدمتهم، ويعتقد المؤرخون أن أصل سحر الفودو يعود إلى القبائل الأفريقية.

فوجئنا بنصار وقد أفاق أخيراً .. توجهت نحوه كل العيون غاضبة تريد الفتك به
.. قالت فاتن:

- هو مالوش ذنب .. درة كانت بتتحكم فيه.

نصار:

- أنا مش فاكراً أي حاجة .. إنتوا بتتكلّموا على إيه بالضبط .. وقاعدين كدا ليه.

ابتسم عصمت:

- مفيش حاجة يا نصار .. إحنا بنحط خطة منتخب مصر عشان هنلاعب غانا في
تصفيات كاس العالم.

- قصدك اللي هنتغلب فيها ستة واحد.

عاد حسن ليكمل شرح خطته ويقسم الأدوار فيما بيننا .. ما تزال خطة مجنونة
من وجهة نظري ولن تنجح .. صدقوني لن تنجح .. فجأة دوت موسيقى (love story) ..
اللعنة .. من الشيخ الأحمق المسؤول عن تلك الموسيقى؟

- هاي

كان المتصل جبار بعدما قام عصمت بإرسال (كلمتي شكراً) له .. أجاب عصمت:

- هاي ورحمة الله .. فينك يا ابو الجباير .. واحشني.

- سلموني فاتن.

- إحنا مش ممانعين .. تعالى خدها يا كبير.

- لا أنا هستناكم تجيبوها عندي.

- يا عم تعالى خدها أحسن عشان إحنا عاملين خطة وما يتفعلش تغيير المكان

- بتقول إيه؟

ارتبك عصمت:

- قصدي أقول عاملين ملوخية ومش عاوزين نبوظ التقلية

- أوكي .. هستناكوا في المكان.

ثم أغلق الهاتف .. التفت عصمت إلى الجميع مصدومًا:

- نسي يقول نسلمها له فين.

تيام:

- ابعته كلمي شكرا تاني.

حاول عصمت أن يفعل لكن عدد الرسائل كان قد انتهى .. التفت مرة أخرى

للأعضاء:

- مشكلة كبيرة يا جماعة ولازم.

قبل أن يكمل جملته عاد الهاتف يرن فيتر عبارته وفتح الخط .. جاء صوت جبار

يمتلئ إحراجًا:

- اسف يا عصمت .. إنت عارف مشاغل الأشباح الأشرار اللي زي حالاتي.

قال عصمت متفهمًا:

- ولا يهكم يا كبير.

- تجيبوا فاتن وتقابلوني في بدروم العمارة .. إنت عارف لو ما جيتوش هعمل إيه؟

قال عصمت متوجسًا خيفة:

- هتعمل إيه يا كبير؟

- مش هعمل حاجة .. ههههههه .. عليك واحد يا عصمت.

لم يكد الأسطورة يبتلع حباية الفيل الأزرق حتى شعر أن شيطاناً قد اقتحمه وسيطر عليه .. لحظات وشعر أيضاً أن جسده يشتعل ناراً.
نارًا بلا وهج.

سقط على الأرض وهو ينتفض .. حاول أن ينهض .. سقط مرة أخرى .. كل شيء من حولة يهتز بشدة .. نور شديد أغشى بصره وكاد أن يعميه .. أغمض عينيه ووضع يده عليها ليحميها .. توقف الاهتزاز .. فتح عينيه ببطء .. أمامه مباشرة كانت العمارة قابضة وسط المنطقة الميتة وفوق رأسه مباشرة كان يوجد القمر الدموي المخيف ..

استجمع شجاعته واستل ساطوره ثم تقدم نحو الباب.

دفع الباب الثقيل بكتفه ثم دخل:

- دستور ياللي هنا.

- دستور يا عبده يا موته.

جاءه الصوت من مكان سحيق .. رد الأسطورة:

- أنا مش عبده موته.

- تبقى الألماني.

- ولا الألماني برضو.

- آمال إنت مين؟

- أنا الأسطورة يا ض .. إنت مين بقى يا ض؟

- أنا أمين جوز اختك اللي قتلته في المسلسل في الحلقة ال ٢٨.

ثم ظهر أمين مرتدياً بلوفر أزرق:

- كدا قتلتي يا صاحبي!

قال الأسطورة:

- ما تزعلش مني يا جوز أختي .. المؤلف كان عاوز كده.

بكي أمين:

- كان نفسي اتفرج على الحلقة الأخيرة.
- ما تزعلش يا أمين، إبقى نزلها من على اليوتيوب.
- الباقية خلصت معايا.
- أخرج له الأسطورة كارت شحن ب ٢٥ جنية وأعطاه له قائلًا:
- إبسط يا ض .. خد الكارت ده وشهيف نفسك.
- احتضنه أمين:
- حبيبي يا أسطورة .. تعيش وتمتلي مرة كمان.
- ثم هرول مبتعدًا وقبل أن يختفى عن نظر الأسطورة نادى عليه:
- أميييين .. ما تنساش تتفرج عليا وانا بموت في الحلقة ال ٧ .. هعجبك قوي.

* * *

توجهت برفقة عصمت والمنوفي وأمير وحسن إلى بדרوم العمارة قبل موعد اللقاء لعمل الفخ لجبار.

على الأرض قام حسن الجندي برسم النجمة الخماسية الخاصة بالسحر الأسود. داخل مركز النجمة رسم حسن دائرة وكتب داخلها طلسم من طلاسم استحضار الأرواح.

وقف كل فرد منا على طرف من أطراف النجمة .. طلب حسن من فاتن أن تقف في منتصف الدائرة ثم قال:

- إحنا دلوقتي فتحنا دايرة الفودو .. هنستى كلنا لغاية لما جبار يدخل الدايرة عشان ياخذ فاتن، وبعدين نسحبها منه ونقل الدايرة عليه.

ثم ناول كل منا ورقة مكتوب بها طلسم معين وأكمل قائلًا:

- عشان نقفل الدائرة لازم إحنا الخمسة نقطع الطلسم المدقوق في الورقة .. وما تفسوش لازم نستنى لما يدخل، وكمان نستنى لغاية لما فاتن تخرج.

قلت لحسن:

- طيب هنعمل إيه دلوقتي؟ .. لسه بدري على الميعاد.

- عملت حسابي وجيبته ده.

قالها حسين ثم أخرج من جيبه شطرنج صغير واستطرد:

- هنلعب الغالب مستمر.

مر علينا الوقت بطئياً وثقيلاً .. وأخيراً نظر عصمت في ساعته قائلاً:

- خلاص .. الميعاد دلوقتي.

بسرعة اتخذت فاتن مكانها وسط الدائرة بينما توقفنا نحن الخمسة على مسافة غير بعيدة منها وكل منا يمسك ورقته في يده بإحكام وحرص شديد.

لحظات وتموج جزء من الجدار المقابل لنا ثم خرج منه جبار.

- هاي.

ألقي علينا تحيته المعروفة .. رددنا عليه التحية بحذر .. قال وهو يقترب من

الدائرة:

- عجبتي قوي يا عصمت .. أنا بحب اللي بيلتزموا بكلامهم .. إنت عارف أنا بعمل

إيه في اللي ما بيلتزمش بكلامه؟

سأله عصمت:

- بتعمل إيه؟

- ما بعملش حاجة .. هههههههه .. عليك واحد مرة تانية يا عصمت.

ثم اقترب جبار من فاتن التي ارتجفت بشدة .. توقف على طرف الدائرة ولم

يدخلها ثم قال بظفر:

- وأخيراً رجعتي لي.

بعدها تقدم خطوة وأصبح داخل الدائرة .. توترت أعصابنا .. أشار لنا الجندي بأن ننتظر.

العرق يتصبب على جبين الجميع .. القلوب تدق بشدة .. الأعصاب تتوتر.

مد جبار يده وأزاح خصلة شعر من فوق جبين فاتن التي أحنث رأسها ثم قال:

- إنني كنتي مفكرة إنك تقدري تهربي مني؟

رفعت فجأة فاتن رأسها ثم قالت بقوة:

- أيوه .. ههرب منك.

ثم قفزت خارج الدائرة بسرعة .. صرخ حسن وهو يمزق ورقته:

- دلوقتي.

مزقت ورقتي وكذلك فعل عصمت وأمير .. وقبل أن يمزق المنوفي ورقته ويغلق الدائرة للأبد اقتحم علينا شخص ما يشبه (محمد رمضان) .. توتر المنوفي وسقطت الورقة منه .. الأسطورة صاح وهولا يفهم ما يجري:

- فيه إيه ياض منك له؟ .. إنتوا عبدة شيطان؟

صرخ جبار وحاول ان يخرج من الدائرة .. لكن الدائرة منعه .. صرخ حسن:

- اقطع الورقة بسرعة قبل ما يخرج

عاد جبار يصرخ وهو يقاتل حاجز غير مرئي .. بسرعة قفز المنوفي على الورقة ومزقها .. راحت الدائرة تنكمش ببطء على جبار.

جبار حرك يده فارتفع سيخ حديدي في الهواء .. حرك يده مره أخرى فانطلق السيخ كالحربة في اتجاه قلب.

قلب عصمت.

توقف الزمان للحظة..

حفظت كل العيون في انتظار لحظة الموت القادمة .. فجأة ظهر مسيخ من العدم .. ثم وبحركة انتحارية قفز أمام عصمت ليفدية ليحمية بجسده و...

- أAAAAAAAAAAAAAAAAAAAAه

سقط مسيخ على الأرض .. هرع عصمت باتجاه مسيخ ورفع رأسه من على الأرض قائلاً:

- مسيخ.

قال مسيخ بصوت مبحوح متقطع:

- أنا فديتك يا عصمت.

- مسيخ.

سعل مسيخ من الألم ثم بصق بعض الدماء:

- اجتل كل الدهاشنة يا عصمت واتجوز فؤادة.

- مسيخ.

عاد مسيخ يقول:

- أسف يا صاحبي .. مش هقدر أكمل .. ورقتي سقطت خلاص.

- مسيخ

ارتجف مسيخ بشدة:

- أنا حاسس ببرد شديد يا عصمت .. حاسس بضلمه بتحاوط بيا من كل اتجاه ..

أنا خايف .. خايف.

زفر عصمت بملل:

- مسيخ .. على فكرة السيخ ما جاش فيك خالص.

اتسعت عينا مسيخ دهشة .. تحسس جسده .. نظر إلى السيخ الذي سقط بعيدًا

.. هتف فرحًا:

- إيه ده!!! .. أنا بخير!!! .. هاهاها

في نفس الوقت كانت الدائرة على وشك أن تسحق جبار الذي قال لعصمت

بكرامية شديدة:

- هنتقم منك .. عارف هعمل فيك إيه

- هتعمل إيه

- مش هعمل حاجة .. هههههه .. عليك واحدة مرة تال...

ثم سحقته الدائرة وقضت عليه.

خاتمة:

في النهاية تم تحرير كل الأرواح التي كان جبار يحتجزها .. كما عادت العمارة إلى الظهور في مكانها الطبيعي وتم خروج جميع المرعيين والمشاركين في الرحلة. أيضاً تم الاتفاق مع الأسطورة بعدم ذكر ما حدث حتى لا يتم مطاردة أعضاء الجروب من الصحافة بالإضافة إلى أن الموضوع صعب التصديق.

عادت الأمور إلى سكونها وهدوئها المعتاد.

ما تزال العصافير تصفر وما تزال الحياة تمر.

ثم بعد مرور شهر وبعد أن أشرف الموضوع على النسيان التقى المنوفي بعصمت:

- إحنا لازم نروح نشكر نادر.

قالها عصمت محدثاً المنوفي الذي أوماً برأسه:

- في الحقيقة هو يستحق الشكر.

ركب كلاهما السيارة وتوجها إلى مقر الجريدة التي يعمل بها.

داخل مقر الجريدة سألا عن نادر جوده .. أخبرهم أحد الصحفيين بوجوده في

مكتبه .. المنوفي:

- إحنا نسينا نجيب له هدية.

عصمت مبتسماً:

- مش عيب .. أنا جيبت له بقية كيس البرتقال.

طرق المنوفي باب غرفة مكتب نادر.. جاءهما صوت خفيض:

- أدخل

فتح المنوفي الباب وهو يقول بصوت مرتفع:

- حبيبي نادر.

ثم توقف فجأة في مكانه هو وعصمت .. على امتداد بصرهم كان يجلس رجل أشيب الشعر يرتدي نظارة طبية ومهمك في تصفح بعض الملفات الورقية .. رفع وجهه ناحيتهم وقال بصوت هادئ:

- أي خدمة

تنحنح عصمت:

- إحنا كنا عاوزين نادر جودة .. واضح إن إحنا غلطنا في المكتب .. آسفين.

ثم تراجع بظهره مع المنوفي لكن الرجل صاح عليهما:

- أنا نادر جودة

عصمت:

- لا .. لا .. إنت مش نادر.. نادرده شاب صغير ويحب ياكل البرتقال كتير.

- بقولك أنا نادر جودة، ومفيش حد تاني في الجرنال إسمه نادر جودة غيري.

نظر عصمت والمنوفي لبعضهما في دهشة .. اقترب منهما الرجل وقد بدا عليه

الفضول .. تذكر عصمت أمراً ما .. أخرج هاتفه قائلاً:

- دقيقة واحدة أنا معايا شوية صور كنت بصورها كتذكار للرحلة.

ثم راح يقلب في صور الهاتف صورة تلو الأخرى.

- مش ظاهر في أي صورة و...

قالها المنوفي بتوتر ولم يكمل جملته .. كل الصور التي كان يحتمل أن يظهر فيها المدعو نادراً لم تكن تظهره .. بل على العكس كانت توجد بقعة كبيرة من الضوء. الضوء الأبيض.

- ما تدور العربية .. واقف ليه؟

قالها عصمت للمنوفي بتوتروهما يجلسان داخل السيارة .. رد المنوفي:

- أنا مش مصدق .. أمال مين اللي كان معانا طول الرحلة؟

- أنا.

جاء الرد من وراءهما .. ثم ران صمت رهيب.

دار عصمت والمنوفي ببطء باتجاه مصدر الصوت .. نحو المقعد الخلفي .. كنت

أجلس وانظر إليهما مبتسماً وبكل هدوء .. سألتني عصمت:

- إنت مين؟

- أنا (فريد شوقي).

لاحظت استغرابهما .. قبل أن يسألأ أسرع أكمل:

- والدي كان بيحب فريد شوقي ولما اتولدت سماني على إسمه.

المنوفي:

- إنت بقي إيه؟

ابتسمت:

- أنا حبيب (فاتن) .. كل القصة اللي حكتها (فاتن) كانت صحيحة .. مع اختلاف

واحد بسيط .. إن أنا كنت حرفي التحرك .. وعلى مدار سنين كتيرة حاولت أنبه الناس

يمكن يعملوا حاجة لكن الكل كان بيخاف يقرب من العمارة .. وكان الحل إن لازم أجييب مجموعة شخصيات يكون لهم خبرة في الأمور دي .. وبصراحة أنا حسيت إنكم أفضل المتاح.

ابتسم عصمت للمنوفي وقال زهواً:

- أنا كنت عارف إن إحنا جوانا أبطال مدفونة.

- بس كنت غلطاًaaaaان.

قلتها بحددة .. قال المنوفي وهو يرتجف:

- فيه ايه يا عم فريد .. ما كنت حلو .. كمل.

عدت أكمل:

- تقمصت شخصية نادر جودة بالكامل، لدرجة أنا كنت بتكلم بلسانه، بحلم بأحلامه، بتكلم وبتصرف زيه بالضبط .. ولما وصلت ليكم أنا اللي إقترحت على سمر فكرة الرحلة .. وأنا اللي عرفت هبة بيها .. وأنا اللي بقيت أحمسكم لما تياسوا .. وأنا اللي...

قاطعني عصمت:

- خلاص .. خلاص .. عرفنا إنك وراء كل مصيبة سودة .. عاوز مننا إيه دلوقتي؟

ضايقتني مقاطعته لي .. أخرجت من جيبى كاسيت صغير قديم وقلت بأسف:

- إنت ضيعت أحلى حته .. أنا كنت لسه هشغل موسيقى فيلم (saw)، وأخليكم تعيشوا شوية سسبنس عسل.

ثم خرجت من السيارة وقلت لهما:

- على العموم أنا كنت جاي أشكركم و...

وبجوارى اهتزت ظلال رمادية قبل أن تظهر (فاتن) .. عدت أقول:

- وهي كمان.

صرخ الإثنان في آنٍ واحد وانطلقا بالسيارة دون أن يعطيا الفرصة لفاتن لكي

تشكرهما...

ابتسمت فاتن بينما رحلت أرقامهما حتى اختفيا عن نظري .. أتمنى لهم كل الخير

هم وبقية المرعبين.

أما أنا وفاتن فقد توجهنا ناحية قرص الشمس الذي بدأ يغيب في الأفق...

إلى أين؟

حقيقة لا أعلم .. فقط أنا أعتقد أنه سيكون مكان جميل ورائع.

دقيقة واحدة .. عصمت نسي أن يعطيني كيس البرتقال.

تمت

obeikandi.com

جميع حقوق الطبع والنشر محفوظة للناشر



noon_publishing@yahoo.com
0235860372 - 01127772007